

廈門志

卷十二 列傳
卷十三 列傳

廈門志目錄

卷一

繪圖

廈門圖

仙碑亭圖

萬壽宮圖

朝天宮圖

風神廟圖

朝宗宮圖

紫陽書院圖

玉屏書院圖

御製碑文
御賜匾聯

卷二

分城畧

沿革

形勢

山川

寺觀

城寨

官署

街市

書院

津海

坊表

墳墓

義塚

廟

書院

倉庫

有嬰堂附

造額式 泉廠建置 脩造 各色小船 洋船 番船
各色小船 洋船 番船

卷六

臺運畧

竅數 配運 專運

卷七

關賦畧

海關 額稅 關差 稅口 樑頭 船稅
例禁 關稅 科則 戶口 戶賦 鹽課 地稅
船稅 漁課 渡稅

卷八

番市畧

卷十二

列傳上

宦績

武功

忠義

孝友

卷十三

列傳下

義行

文學

隱逸

流寓

方技

方外

卷十四

列女傳

卷十五

風俗記

卷十六

舊事志

史蹟 叢談附

廈門志目錄終

附載

周公墓誌銘 公祭周芸華先生文

廈門志卷十二

列傳上目錄

宦績

宋林 斐

薛舜俞

薛舜庸

明王 讓

張 俊

林 應

楊逢春

傅 鎮

林大梁

子雲

池浴德

池顯京

池繼清

楊喬椿

陳則采

林應翔

林宗載

國朝池繼善

林雲嵐

葉沈翥

葉其蒼

林翼池

劉承業

子啟

倪邦良

王鳳來

黃克明

武功

明池兆銘

朝王志

陳倫炯

父昂弟芳
姪壘合傳

魏國泰

胡貴

林時葉

楊超

弟
芳

陳文會

陳啟良

林奎章

孫全謀

陳逢時

林六韜

李得勝

李漢升

謝恩詔

陳登捷

姪志
成

李尚華

曾允福

趙世芳

蒲立勳

忠烈

明葉翼雲

弟翼俊姪
伯奮伯熊

陳弼心

葉爵

朝洪有禎

卓超

歐陽凱

張養

黃海

楊起麟

甘瑞龍

彭大猷

陳國棟

陳鳳高

胡振聲

陳廷梅

陳紹芳

許廷柱

陳建勳

張高生

孝友

元沈祥

明王德義門合傳

林大時

陳邁質

國朝陳所猷

林起鳳曾孫曜華

楊秉忠

林德謙

陳迪元

池阜聲

劉承芳

余辰樞

楊天香子春條孫樹功

陳元珩子廷振孫榮瑞

賴滋身

林陶光

陳應清

李圖章

林嵩

陳誠諒

王光亨

呂仲誥

趙孟正弟孟澤

王夢悅

曾邦翰金光輝

廈門志卷十三

列傳下目錄

義行

元林天祥

明陳真泰

弟陽泰

傅琪

洪俊

林奇石

池浴雲

池浴沂

鄭師

國朝陳邦寶

廖飛鵬

黃元鍾

子敏

陳科捷

黃名芳

蔡克昌

許名揚

孫丕烈

蘇相德

凌雲

弟志棟

王瓊林

黃登瀛

馬大賓

郭燭

文學

唐薛合之

薛沙

陳

明葉普亮

傅鑰

池顯方

國朝鄭得瀟

林鵬揚

池其繩

曾源昌

劉天澤

林豐玉

葉龍

蔡德輝

李正捷

黃日紀

林遇青

張廷儀

張錫麟

林明琨

莫鳳翔

張承祿

黃名香

蔡天任

薛起鳳

王經綸

郭希凡

許溫其

周禮

林德源

葉懷荆

蔡洪璧

隱逸

明陳則廣

林志遠

楊期濱

楊秉機

林嘉采

葉后詔

阮文錫

父伯宗

葉啟粦

葉迎

薛登龍

寓賢

明曾櫻

陳泰

吳鍾麟

鄭遵謙

鄭遵儉

陳士京

姚翼明

路振飛

萬年英

沈宸荃

張煌言

羅子木

徐孚遠

辜朝薦

謝元汧

陳瑞龍
程應麟

林英

鄭郊

弟柳

曾世爻

周金湯

許璟

唐顯悅

林蘭友

黃驥陞

洪思

涂仲吉

李茂春

張若化

張若仲
倪俊明

王忠孝

沈佺期

蔡鼎

諸葛偉

許吉燦

林其昌黃維標
潘廣鍾馮濬世

張士柳

張正聲

蔡國光

張灝

弟瀛

郭貞一

紀文疇

紀許國

紀保國

莊潛

林霍

黃事忠

陸昆亨

陳駿音

劉子葵

王簡伯

齊价人

洪七峯

駱亦至

吳亦菴

劉玉龍

國朝鄭魁萬

潘兆吾

黃夢琳

黃慎

趙翼

郭適
黃澍

黃暹

黃彬

黃秉元

方技

朝國林仁

莊漁

林元俊

吳福

楊金鱗

林賢

陳賢基

黃日輝

陳昂泰

羅經

康鳳聲

黃國楮

施清王文明

黃樹德

曾坦子朝英

蔣國梁

蔡催慶

王維宇

林漢峯

吳麟

周錦園

徐宏音

黃鳴岡弟朝正

林墨香

陳治燦

王慶

范雲

林遠

陳斯泰

蘇鳴琴

許崙

方外

宋文翠

明覺光

明光

如壽

雪芝

明任

朝文遠

知堅

元飛

通庸

廈門志卷十二

列傳一 宦績

列傳分宦績武功忠烈孝友義行文學寓賢隱逸方
技方外爲目。有專傳合傳附傳。間繫論以申之。其可
徵者徵之。諸書采錄者。與島上諸君子論定之。覆核
維實。以期傳信。凡三易稿焉。

宋

林棊。字彥忱。店裏人。登元豐八年進士第。通判沂州。以治

河勞績遷郡守。部使者薦拔大府。縣志作太府少卿。有詩文行

於世。祀鄉賢。府縣志

鷺江志

薛舜俞字欽父嘉禾里人。紹熙元年進士。教授南劍州。未
任。三府交薦。差江西漕司幹官。堂審除吏部架閣以言者
罷。後起江東常平幹官。與其長李道傳賑荒。多所全活。改
知金華縣。守督宿逋苛峻。舜俞引誼力爭。寬期示信。民悉
樂輸。罷歸卒。舜俞問學淹貫。議論磊落。挾負才氣。仕數齟
齟。里居教授。門人多通顯。著有文集及易抄詩書指三百

餘卷。祀鄉賢。

通志府縣志闕書及道南源委原傳

薛舜庸字惠父。舜俞弟。紹熙四年進士。調龍溪尉。改分寧
丞。嘉定間。知古田縣。民間牛死。例輸錢於官。舜庸嘆曰。民
不幸喪牛。又責入錢。是重困也。立命除之。增廩餼。建閣藏

書以惠生徒通判興化軍未任卒

通志府縣志

明

王讓字丕承崙後人永樂二十年壬寅同安歲貢授廣東

提舉司員外郎子欽星南海教諭

家乘

張俊湖蓮保人正德間以歲貢授徐州訓導持守貞潔謨

人有方徐士頌之

閩書縣志及鷺江志作張俊任直隸南宮教諭

林應字子唯號壁峯塔頭人貢生有文名楊逢春傳鎮皆

出其門後爲湖州司訓居九月以母喪去官士人走送多

泣下者旋改彭澤卒於官所著有四書解便覽壁峯集子

大時有傳

節墓誌村榮燕

楊逢春字仁甫號西渠嘉禾里西厝人嘉靖四年乙酉舉人八年己丑進士初授仁和縣未任丁外艱起補崑山令賦籍獄牒不假胥吏縣素號富饒而逢春以清操著吳俗大戶領京運邑令寓書權貴金縑皆大戶爲備逢春裁罷之民以此感逢春最深行取至部以錢糧不及緩三年乃得南京浙江道御史痛惡依阿澳忍之習抗疏論兩京九卿大臣之脂韋者十餘人劾退挾賂奔競之濫得官僚者又陳江北屯田利弊巡視江南倉汰黜貪庸風采振竦擢廣東按察僉事備兵嶺南疆界遐曠犛獠蕃育將玩卒情白日剽行旅逢春首責郡縣脩政息民易將選卒授以方

畧賊發輒得夜戶不明事無畏難諸所剔蠹惠民雖不屬已亦毅然任之丁丙艱復補四川僉事專管鹽屯豪右猾吏穴之爲綜刷成額按籍考要僞巧無所飾課入日進時叙州戎縣都蠻叛肆行殺掠邊無居人逢春獨抗言禦取之策撫按會檄委辦度險要分兵進勦陽撫其四鄉以勦

二鄉爲師名果得四鄉最桀者四十人以求盡殲之用是兵入有功俘斬千計擢廣參議分部濟仰之間平賦分役節冗興教凡所當爲悉力從之縱有犯忤不恤也性孝友不立私財居鄉敬老慈幼不以貴倨鄉人悅慕陞雲南按察副使未任而卒於湖南民走哭相踵喪歸罷市擧聲

以過出境乃止。祀鄉賢祠。

通志府志闕書
參王道岩文集

傅鎮，字國鼎，號近山，中左所人。嘉靖七年戊子舉人。十一年壬辰進士。由行人授南京御史。疏諫聖駕。數幸山陵。世宗嘉納。有守璫潘真，挾私亂政。凌虐軍士。鎮言真不當以嬖倖開利竇。殘朝廷。赤子請按真姦贓。果驗。逮治之。已念母病。請歸。旋補廣東道御史。二十年辛丑。北兵大掠三晉以西地。總督樊繼祖與諸將堅壁自衛。而先後報首功至五百餘級。鎮疏其欺罔言盛。張功伐實。未嘗與敵戰。奉旨問。果如其言。褫繼祖職。武定侯郭勲之獄。事下錦衣。孫繼推問受賄。歸獄何英等。以脫勲罪。有旨覆治。鎮坐勲綱。

交私罪。餘分別寬貸之。出按雲南。會母卒。服除。補職。巡真定。又巡山東屬。妖人謝漢商大常作亂。擒獲黨與甚多。郡縣概具獄磔。鎮論殺首惡。餘脅從者三十餘人。悉放去。入署河南道。掌計事。嚴相嵩欲黜觀察使一人。鎮不從。憾之。出爲河南副使。有治河羨金二千餘。悉封識之。庫中人指其金曰。傳真金。從鎮名表其廉也。轉廣西叅政。浙江右布政。遷湖廣左布政。鎮在粵西。時有議逐流民者。鎮曰。彼亦民也。況間有師儒醫卜商賈之屬。可裨我民。奈何驅之。旣轉楚。進南右都御史。提督操江。尋以病乞歸。鎮爲御史。凜凜風裁貴戚。豪強斂手。時目爲傅虎。及行法停讞。出於仁。

人多德之。數歷藩臬。漸致大位。中外倚重焉。萬歷中卒。

賜祭墓。祀鄉賢。弟鑰有傳。

閩書通志府志

林大梁。字以任。號雙湖。應從子。授業於應。蓋鹽攻苦。嘉靖十六年。丁酉。舉於鄉。授寧海縣令。縣無城郭。與黃巖接界。倭寇黃巖。大梁日夜傭工築城。樹柵其上。編丁壯。訓練固守。倭至。令守者無譁。臥旗偃鼓。伺之。倭疑有伏。逸去。方聞寇時請築城。比報可。而役已竟。胡宗憲上其事。時有私爲大梁計者曰。凡授直役。十私其三。以爲他費。大梁瞿然曰。吾以利民。豈肥己哉。更擇一謹愿者。司出納。工竣。絲毫無所取。民咸德之。歲時或有餽獻。受其細者。曰。縣令與民親。

上下交際情不能無吾不敢矯意以拂其情也嘗出視役

雨雪凍甚役者求酒大梁卽令將酒至各與一大觥而與

之同飲焉寧海至今以陳名唐名侯林稱三賢蓋陳不增

賦唐以均糧林以築城也官寧海八年調化州又調考城

以得罪中貴罷歸子雲映萬歷十七年乙丑歲貢官建寧

訓導題齋壁曰行事勿令琴鶴笑存心須與鬼神知爲多

士所矜式孫志遠進士自有傳乘家

池浴德字仕爵號明洲中左所人嘉靖四十三年甲子舉

人明年成進士授遂昌令父戒之曰吾家世積德兒曹勞

力爲清白官至則爲文誓神期不負蒼生設防守置木皂

澤枯骨。多異政。故事。郡守朝正京師。里甲歛百金爲贖。浴德代守。卻之。會新守至。搜舊案山積。前令不能決者。日下微追覈。浴德檢三百餘案。分別年次輕重。平反勒爲數冊。上之。逮繫悉空。守大喜。追徵則詳揭賦額於衢。寬以限期。不事析楊。人爭樂輸。盜者給以業。賭者榜其家。舊習丕變。初。遂民往衢開礦。失利起爲盜。上官申禁。凡入衢者。須有縣符。無則以礦徒治之。後衢與遂民仇者。皆指爲礦徒。送之官。無一脫者。浴德白於衢道毛某曰。一里往來。豈能遍給十室忠信。豈盡礦徒。毛立弛其禁。民至訟庭。一毫緡錢不入官。只袖米半升。即可結案。咸稱爲池半升云。隣邑有

難決者悉檄剖之。丈量議起，編派既定，有以多爲寡者，有
土畝隱匿者，先拘豪家置之，法懼乞再丈，許之無一差漏。
有浮額者，充學以贖貧，十緡雲諸邑，爭告當道，請浴德，往
丈編法如遂，百姓歡欣，擢南吏部考工主事。民赴臺乞留，
編賦四閱月，彙成黃冊，乃就道。老幼擁繞易鞞，輿不得行。
壯者奪鼻，夫爭肩之。至龍游，萬人曳舟，三日不得發。夜半
解纜，哭聲遠聞，衆爲盡石。於西明山水澗，曰曳舟亭。後
祀名宦。至南都，三月轉北吏部稽勲司。丁外艱，抵家僅餘
四十五金。母曰：「諺稱縣令爲銀樹花，吾子一樹，乃無花果
也。」起補原官，清介端嚴，無敢干以私。遷考功員外，陞郎中。

調護士類常與相張居正相左會汰天下冗員居正戒部
汰其人不復職浴德竭力調停得不汰者十二三有楚司
理趙某行取入京爲南部所揭居正欲斥之力持不可居
正趣益惡浴德稱疾而太宰竟逢相意罷之轉太常寺少
卿有冊封之命事竣告歸屢徵不就諸當道海上事宜皆
就決知無不言奸宄歛跡盜賊相戒不入境家居三十七
載布衣蔬食自課諸子嘗曰讀書豈盡取科策時時照管
此念頭無負天地祖宗便爲天地肖子人稱明洲先生所
著有空臆錄懷綽集居室篇年七十九卒卒日大星自南
墜有聲山鳴三夜城北大石忽摧人謂是其應云祀鄉賢

子顯京顯方顯方自有傳

開書府縣志見
吳集處州志

池顯京字致夫號念蒼浴德子萬歷三十七年己酉舉人授和州知州州有牛稅歲入千金胥役又故橫暴一紙下鄉輒盡中人數家之產顯京至首革之旋忤巡按崔呈秀劾罷起補湖州通判督運入都屬有兵事問阻難漕始達轉懷慶同知以前運稽期被議解組顯京善文章精草隸畫尤絕倫晚喜禪學三任皆腴地而袖風載月以歸家居

二年卒

府縣志參
見岩集

池繼溥太常浴德孫康熙二十九年庚午舉人曲周知縣

尹有然齋詩草四卷

府志

楊喬椿蠓頭人萬歷十年壬午舉人初令東流矢志清白
一署中米盡時已初昏不欲啟門第令家人供麵而寢
履為攝守山東平度州在州清淨竟卒於官兩任教令歸

棠蕭然

同書府志合系

陳則采號對垵官堯人年十二冠童子軍萬歷十九年辛
卯舉于鄉初令應城以終養告歸復任揭陽首敦學校造
就人材熊汝霖郭之奇皆所賞拔有惠愛揭人立祠祀焉

遷王府長史不赴卒年六十九

府志

林應翔字源澗號負蒼後更號止巖嘉禾里人萬歷二十
二年甲午順天鄉薦明年成進士知永嘉縣歲苦疫春夏

甚骨肉周親不相顧爲申收恤之誼。歲旱編衣躡屨。五十里外。甘雨大沛。時採礦中使至縣。多方阻之。民賴以全。丁外艱。起補京山。巡歷勸課。停車決訟。楚藩構逆。郅中騷動。練兵葺城。遷南戶部郎。督儲鳳陽。出守汝寧。汝黃之交。有逋逃。主號自在。王應翔殲之。而潛其室。調廣州。決積牘千六百。平反死獄八十餘。一日以閩廣開糴爭議。棄官歸。復起守衢州。脩郡志。造橋建塔。崇宣聖之後。卹趙清獻子孫貧乏者。爲龍游民陳利病。罷協濟米本色。訪擒劇盜。滕竒兄弟。覆其巢。開化有盜程五龍等。戕殺官兵。使者發兵捕治近村。民惶惑鼓噪逐之。兵歸告使者。村之千餘家。

盡勝廣也。應翔曰：無恐，獨入巢，繫其酋，烏合悉散。良民得全。肖像祀之。遷湖廣副使，未之官，卒。年六十二。應翔好道術，兼通釋氏，嘗自爲念：不先生傳，謂其爲文不古不今，功名不沉不浮，仕宦不穢不清，治產不縮不盈，軀貌不高不低，才情不巧不痴，於物不擾不撻，於人不冷不熱。里評不善不惡，人品不雅不俗。死卽以志我，毋求他人爲也。其文竒矯變化，不可方物。何鏡山集多載之。所著有止崑存稿。

祀鄉賢

閩書叅同鏡山集清白堂稿及府縣志通志

林宗載，字允坤，號亨萬，塔頭人。萬曆三十七年己酉舉人。榜名酸言。四十四年丙辰進士。初令浮梁，有無賴綠瑤棍。

獻民間田產假爲上用。一邑惶駭。宗載察其奸狀。置之法。釐剔糧弊。人服其精明。天啟初。以治行入爲兵科給事中。歷戶刑左右進戶科都給事。時邊費無度。山海餉費。月二十九萬。宗載請旨查檄。省去七萬。又疏因餉檄兵。因兵檄官。侃侃切中時弊。進太僕卿攝太常事。莊烈帝卽位。祭告郊廟陵寢諸大典。皆宗載秩之。陞太常寺卿。疏乞終養。歸。書還淳二字於里間。優游泉石者十餘年。著有觀海堂平

平編。蔡復一爲之序。年七十卒。祀鄉賢。

府縣志

國朝

池繼善。字曦侯。康熙四十七年戊子舉人。授達州州同。丁

艱起補原官。前後兩任。有惠政。卒於官。歸櫬無資。士民爭
賻之。達州志稱其學問淵深。經術優裕。割俸改建崇聖祠。

講授子弟多所成就云。府縣志 達州志

林雲嵐。字龍輔。號定軒。嘉禾里人。康熙五十六年丁酉舉

人。授江西瀘溪知縣。潔已愛民。興利除弊。邑有漕米三千。

舊劍米一石折銀七錢。納官代辦。後價昂。官藉以侵牟。雲

嵐申詳當道。奏准定例。自此民免其累。乾隆八年。江右大

荒。民取泥充飢。名曰觀音粉。嵐勸富民捐穀以濟。又申請

常平積貯例。糶三存七。權改糶七存三。多方籌畫。飢民以

安。卒年六十一。鷺江志

葉沈蒼字季翔蓮坂人少穎異甫十歲客有不識窮蟬事
者蒼曰得非史所稱舜之祖乎雍正四年丙午舉鄉貢
武平教諭清儉自持縣令章文瑗集古贈之有舉代推高
節儒林得異才之句尋以年老致仕足不出戶卒年八十

有二
江志

葉其蒼字子遠號鴻齋蓮坂仙樂人雍正五年丁未歲貢
任連江訓導在官十二載勤於勸課寒士依爲慈母及歸
攀戀如嬰兒歲時存問不絕先是葉姓分南北房不建祠
其蒼論以敬宗合族之義遂合建焉

光澤江志

林翼池字鳳賓號警齋塔頭人雍正十年壬子舉人乾隆

十年乙丑進士。選湖北來鳳知縣。苗疆新闢。未有城郭。甫下車。卽請建城郭。設學校。躬親考課。教以詩書。而民知學。其俗聘禮以雞酒爲定。強婚悔嫁。往往滋訟。頒示婚六禮書帖式。而民知禮。居父母喪者。旣除服。焚主滅祀。教以設龕藏主。歲時致祭。而民知孝。邑苦食鹽價倍於米。商人年繳例金八百兩。卻不受。勒石平價。縣毗接西陽州。爭地仇殺。釐定其界。邑未有志。捐俸纂輯。獨出手裁。以母老乞歸。百姓攀轅。祖餞累月。不得行。著有尚書捷解。讀史約編。鷺洲拾草。遠遊閒居草。知以集行世。

節縣志

劉承業。字垂恢。號鶴田。岐西保人。乾隆十三年戊辰進士。

選鉛山令邑饑奉檄發粟三千石行賑自以拯濟不敷發
六千石捐俸墊補民沾其惠鵝湖書院爲朱陸講學之所
重新之捐膏火興文教性耐煩劇凡有審斷無論寒暑晝
夜不求自逸有民婦被污不就憤恚自盡翁受賅以溺死
囹獄承業廉得其狀置之法爲婦請旌卒於官承業工書
能詩子啟熊字幼痴少有才名嘗命撰巡道德春壽詩一

夕成六十章年未三十醉後失足墮井死著有晞煦吟稿

夢亭賦草

縣志卷
家乘

倪邦良字相南號深田乾隆十七年壬申舉人祖籍晉江
父都督僉事乾培遷居高門與提督鴻範爲從兄第一門以

武功顯而邦良好學選瓊州定安令瓊孤懸海外民無雜
處邦良掛籍有方汲汲以愛民興學爲務大吏方擬報最
丁內外艱回籍年五十一

凌翰
孫

王鳳來字瑞周號竹山龍溪新岱人遷廈門石埕幼從父
游臺灣入鳳山縣學由貢生補漳平訓導陞蘇州府同知
監漕儲押運艘督採塘石經理客通太湖多支港管小易
濟大文調鳳來駐之奸民斂跡驗年遷刑部員外郎授懷
慶府知府懷慶民苦河淤爭水致訟歷百餘年鳳來規畫
開濬率河內濟源二縣發丁夫決壅塞引沁水通其流河
以開廣二縣田悉變爲膏腴民德之郡有懷仁書院課士

月必親至擇尤異者獎勵之是科登賢書者十一人而隸
院居其二翰林衛肅其所拔士也後轉兵部選司員外
郎以母老假歸卒所著詩文集各以所居名藏於家野徑志
黃克明字詔卿張厝保人廩貢生嘉慶間任永春學正州
有梅峯書院倡捐膏火延師課藝知州鍾楠爲文紀之士
人歌頌改泉州教授得士望後退老家居以壽終縣志

採訪

列傳二 武功

明

池兆銘其先長溪人永樂間從征沙縣寇叙功授永寧衛

中左所總督遂爲廈門人太常浴德其裔也

見岩集

國朝

王志字拔葵外清人康熙三年率衆歸命授叅將從征岳州四川擢副將加都督同知銜尋令有功名著赴部推用遇部駁滯留京師多年值征奉特旨赴玉泉山

校藝賞賚有功從征賊目伊立喀申降歸補廣信

叅將多所興革推陞銅仁副將再調劍州以年老乞休

陞辭上解所佩刀賜之卒年七十五

采墓志浙江巡撫王昭度撰

陳倫燭字次安號資齋同安高浦人由諸生得蔭後居廈門父昂少孤貧習賈往來外洋熟悉海上形勢康熙二十

二年施琅征臺灣聞其名召與計事指畫南北風信港澳
險夷瞭如指掌置麾下叅密畫定計以南風攻澎湖及戰
身自搏鬪又奉令出入東西洋訪鄭氏有無遺孽凡五載
叙功授蘇州城守遊擊尋調定海左軍再遷至碣石總兵
官擢廣東副都統劾天主教異端惑衆隱憂剗切又見沿
海困於洋禁謂其子曰濱海生民業在番舶今禁絕之則
土物滯積生計無聊未有能悉此利害者卽知之亦其敢
爲民請命我今疾作終此而不言則莫達天聽矣年六十
八卒遺疏以聞倫炳齋疏入都充侍衛長身玉立鬚眉整
然嘗扈從

上顧問外夷情形奏答明晰按輿圖籍胙

合六十年朱一貴陷臺灣承 清問奏曰烏合耳刻日可
平也詳陳所以易平狀及平 賞賚有差是年授臺灣南
路叅將請建鳳山縣城撫緝瘡夷整理有方晉安平副將
築海岸護安平城憫死事者建五忠祠祀許雲以下五人
補總兵勵已率屬時有總鎮清廉補破韡之謠調鎮高廉
雷因事降調署浙江大荆遊擊補澎湖副將調狼山蘇松
諸鎮在蘇松爲崇明人廓清數十年匿糧積弊乾隆七年
提督浙江購小白山瘞閩之客死者建資福菴置田爲祭
費閩人德之凡五載解組歸卒年六十四著有海國聞見
錄行於世采入四庫海疆要書也其弟芳字名侯官碣石

遊擊性嚴毅軀幹魁偉能挽數石弓爲把總時論鹽捕以
私鹽誣人動輒破人產罹刑獄自於當道力除之謫吳川
遊擊有造孩子酒者取胎孩投糟中吸其氣釀爲酒謂可
補元氣盃直錢百吳川孩捉罹其毒者無慮數百人其事
覺吳川令薄罰釋之芳聞奮臂曰此何如事不除其人而
絕其害非夫也立揭于兩府照採生折解置極刑父老傳
其德不衰後以病免年四十六而卒芳子燠字仲篋以伯
倫炯移賸補福建水師守備陞金門遊擊調臺協中軍俸
滿授烽火叅將調廣東大鵬以薦晉香山副將地當廣海
門戶西南諸番舶所集澳門紅夷室家雜處撫綏爲難其

外零丁諸洋汪洋無際奸民哨掠聚散靡常莫可蹤跡膺是任者率以罪去堦內克殫歷外勤巡緝夷民均安洋盜相戒不入其境及巨盜曾德度案發沿海文武被議而香山獨宴然堦之力也堦生長將門雙目炯炯善騎射性溫雅所至與諸有司和衷軍民相得歷署左翼碣石總兵官有祖父風年五十三卒於官未竟其用時論惜之

參府縣志海國

聞見錄序
鷺江志

論曰陳氏父子世以韜鈴勳業顯其大者開洋一疏非通達時勢熟諳夷情者不能言觀其臨沒數語亦見忠君愛國之誠矣倫炯著為成書以公世人宜其子孫世守之勿

失也。

魏國泰字德良。翔風爐前人。住劉五店。有膽畧。補水師提標把總。遂家廈門。康熙六十年。朱一貴倡亂。國泰奉檄征勦。多所追殺。臺灣平。陞陸洞庭副將。潔已奉公。兵民不擾。嗣陞金門鎮總兵官。未赴任。會貴州苗變。檄赴鎮遠協勦。時苗勢猖獗。夜襲鎮遠。國泰計兵在外分防。城中只有四十人。乃預出城。伏兵擊之。苗望幟却走。鎮遠之人賴以安。平苗後。赴金門。乾隆元年。以軍功賜俸。在金門五載。裁罷。陋規歲不下千金。調碣石鎮。如之。後補廣東右翼鎮。未赴任而卒。子文偉。廢生。補守備。任廣東順德協副將。縣志

胡貴字爾恒號深峯居懷德保少有智畧習韜鈴精騎射留心水務風雲氣候港汊險易靡不周知出行伍授水師把總洵擢守備陞南澳遊擊玉環叅將閩安副將蘇松潮州二州總兵廣東提督調浙江一載仍調廣東歷官三十餘年草陋規勤訓練嚴巡哨慎舉劾於救災弭盜尤加意在蘇松督運漕糧十萬石來閩賑饑至溫遭風得無恙回崇明其鎮地也狂飈陡發海水驟漲漂沒廬舍人口盈萬貴亟商崇明令發賑令以未請爲辭貴曰民死在頃刻豈能俟報有譴吾自當之卽開倉賑濟又慮邑員少勢難周遍令標屬四十餘員協同分賑衆有難色毅然曰若等非

以衛民乎。倘賑有不周，因而致變。若等能宴然乎。文武一也。爾等各盡其心已耳。又請撥帑金十八萬，倉穀二十八萬，並截漕接賑。民賴以安。在粵東，值王亮臣等倡亂，飛檄邊界，預截逃路。分遣部將往增城、虎門、華峯、藍汾二山諸要地搜緝，而增城在萬山中尤緊要。亟勒兵策馬馳鎮之。適總督阿里衮亦至，分道進搜。一從華峯入，一從藍汾入。諸賊次第捕獲二百餘名，與阿里衮籌善後策。事聞，加秩卒於官。予祭葬，加贈一級，諡勤愨。子板聲，自有傳。

府縣志

論曰：朝廷設官，用以綏輯斯民也。豈以文武異哉。觀其賑

崇明，不以武職引嫌自避，卒爲之請帑請粟，而共成之。其

識量有過人者。

林時葉。廈門人。康熙六十年。以把總隨總兵藍廷珍。蕩平臺灣。朱一貴。分勦北路逸匪。從大排竹。土地公崎。進獲三層谿諸處。繩幽破險。與署守備李郡會兵小石門。燬其草

寮窟穴。餘黨悉靖。累官廣東平海叅將。

東征記平臺紀畧

楊超。字羣。越。廈門西門外人。少遊臺灣。入邑庠。值林爽文煽亂。招募義勇。晝贊戎行。功授六品銜。從以復鳳山。以海東掌教會中立薦。卽奉檄權攝縣事。殘破之餘。問疾苦。弔死傷。方垂意撫綏。越七日。疾作而卒。弟繼芳。監生。亦倡率義民禦侮。有功。給千總劄。補臺灣北路千總。卒。

家乘

陸文會廈門人監生林爽文之亂大將軍福康安統兵進
剿駐節鷺島文會獻策軍門從師東征舟集鹿仔港遣文
會登岸招撫良民間風爭款脅從多散遂奏蕩平之績

海縣志編

將軍傳

陳啟良店前人候選布經歷嘉慶十年游臺營值洋盜蔡
亨竄入鹿耳門攻城啟良請建木城於海底巡道慶保臆
其議啟良力任事兩晝夜城成遂與洪秀文郭拔萃輩分
領三郊旗白率義旅拒守畏賊逼多走獨啟良不去卒破
賊巢焚洲尾當賊屯踞時募能殺啟良者予萬金學博謝
金鑿味其事云木城百雉海東隅危難方知偉丈夫惡耗

翻威名節在萬金爲汝市頭頗賊平議叙五品職銜

采臺海縣

軍志藝文志

林奎章字達卿張厝保人歲貢曜華子少遊臺灣入邑庠試高等與脩邑乘鄭兼才學博稱其公慎嘉慶十年四月蔡牽入鹿耳門郡城戒嚴當道諗其才命協守大西門門迫海埭最險要奎章防守無失賊遁去知縣薛志亮禮勞有加卒誕臺灣十二月復自南下從洲仔尾登岸圍城山賊應之奎章守大西門如前時各門俱閉獨大西門放民樵採日出入數千人恐奸宄乘間入雕木截加珠印驗識之日一易奸無所容已見民情動搖乃散家資招募鄉壯

初六日賊攻北門。謂遊擊吉林阿曰。賊木烏合。初到挫其鋒銳。卽靡矣。引所部直衝中堅。官軍左右掩擊。大敗之。賊氣奪。巡道慶保以奎章所募一旅銳甚。令守陴。自小東門以至大北門。奎章晝則當門詰奸。夜則登城守禦。賊嘗一再攻小東門。連殺退之。十九日。從吉遊擊禪之大南門。賊尤多。二十四日。總兵愛新泰戰柴頭港。奎章聞礮聲。率衆疾馳。抄出其背。橫擊之。賊不虞。援師之至也。遁去。明日追敗之。燬其寨。多焚死者。尋復大集。明年正月五日復敗之大南門。越日突出小北門。直搗馬房山。焚其寨。乘勝追過山後。身衝矢石。丁壯感奮。各出死力。賊大潰。自是追勦。

至五妃廟山再殲之。屢戰皆捷。而洲仔尾一役。破穴犁巢。俘斬無算。功尤多。賊竄南路。隨官軍窮追。戰於桶棧。大獲。賊始颺帆去。五月。牽復入鹿耳門。知府高叔祥禮致之。入曰。大西門鎖鑰又屬若矣。奎章慨然請獨當一面。會官軍率舟師至。亟僱艍船。要截北汕。生擒賊目王藍。置於法。奎章沉靜有謀。三年。四守要隘。如郭丁冒鄉勇黃迨假營卒。李本福潛通內應。率盤獲。常禍萌。辨出可疑者。又八百餘人。水陸十餘戰。未嘗債敗。勞績特著。有齟齬之者。奎章負氣自明。將軍賽冲阿檄給六品頂戴。後回厦卒。崇禎林焜煌采

孫全謀。字元臣。號潛亭。漳州龍溪人。其先山西居永濟。曾

祖維福征噶爾旦。功加都司。借補福建汀州中營把總。因家於閩。全謀七歲失恃。家素貧。無期功近親。可謀餽粥者。比長。益落魄。慨然曰。吾將種也。當橫戈海上。立功名耳。乃移家廈門。投水師。入伍以勞績拔本標千總。累遷遊擊。乾隆五十一年。臺灣林爽文滋事。從福文襄渡海擊賊。於三坎店礮傷胃。暈絕。既蘇。裹創再戰。鯽魚潭。姜市。又以前鋒援嘉義。戰益力。擢廣東大鵬營參將。晉羅定協副將。賞戴花翎。福文襄奏請調臺協。未幾。林逆就縛。乾隆五十七年。授江南蘇松總兵。明年冬。丁繼母憂回閩。未終喪而浙洋告警。起爲黃巖總兵。于定海洋擒盜首陳言等。臺灣洋

獲盜紀夢奇等。嘉慶元年。在溫州玉環洋獲盜吳佛四等。至潭頭洋。燔盜首陳阿寶等。臺郡帖然。巡撫吉慶壯之。餽衣裘。增千金。全謀悉散之士卒。身無私焉。嘉慶二年。授廣東提督。轄水陸官兵。時徐添德煽禍。全謀遣兵平之。七年秋。擒陳爛屐四於博羅。八年春。誅黃亞程於永安。

朝廷加騎都尉世襲。復給六品磨生。粵洋浩湧無際。外通交州。蠶戶易誘以爲變。如張保仔烏石大東海伯。尤桀黠者。闖帥多因之褫職。九年秋。被議降都司。訓練水軍。在洋三載。計獲盜魁吳亞球郭婆太等十數。盜夥千餘。舟百餘。器械無算。十三年。授左翼總兵。旋復提督官。全謀以張保

仔擁賊船二百。思以計取之。冬十月困之於赤滌角。方合圍。我師少。全謀當先壓其陳。後無繼者。風大作。賊潰圍奔。全謀曰。師不用命。將之罪也。提鼓申之。十一月追至惡水門。大鏖洋。礮火轟烈。殲賊六百餘人。降其魁。先是總督百齡以赤滌角之役。聞有

旨草職拿問。洎以捷音聞。命留粵效力。賊始爲飛語中全謀曰。是役也。孫某受萬金。故縱使遁。詔問百齡。百齡奏曰。臣聞賊懸賞云。得臣頭者。予二萬金。得孫全謀頭者。予萬金。不聞其受賄也。且力言全謀必辦賊狀。遂以爲總統故所向得成功。而烏石大崗猖獗。十五年夏。督師西下。電白洋。與賊遇。擒朱亞寶等一

百三十九人。獲船四百。追之儋州外洋。盜船銜尾來。我師一以當百。聲撼怒潮。盜船俱碎。全謀專注首賊。身先躍入盜船。弁兵踵之。生擒烏石二。烏石大。烏石三等。四百三十九人。逆黨落水者無算。賊首東海伯聞風破膽。率衆四千餘。丐命籍械入官。受之以歸。總督百齡備奏全謀功。賞還花翎。遷陽江總兵。復世職騎都尉。二十一年。授廣東水師提督。命下而全謀以患暑卒于官。年七十有二。全謀當敵勇。臨財廉。帥粵最久。戰功最多。承恩無驕氣。獲譴無息心。信賞必罰。士爭用命。專閩二十年。大小百餘戰。屢而復振。以功名終。孫雲鴻以廕生用通判。後改襲騎都尉。

隸水師

宋志福州編
脩梅在田撰

陳逢時。霞溪人。弱冠充伍水師。拔提標外委。擢把總。乾隆間。臺灣林爽文亂。隨師東征。五十二年二月。會於大湖。賊屯眾草尾店。官軍力攻之。尤突其陣。洲仔尾。海魚灣。安市諸役。皆奮銳前驅。已援諸羅。時諸羅圍久。逢時至。并破圍。凡四閱月。糧盡。軍士無波賊數捷。我徇日與角鬪。身經三十五戰。嬰城共守。大兵入。圍解。明年正月。隨參贊海蘭察攻克牛庄。進搗加茂庄。生擒賊日葉吉。南北路告平。後復有攻捕海賊之勞。各册詳
續編

林六翰。廈門港人。大軍進勦林爽文。先以押運火藥勞。拔

中營外委。嗣是彭厝內坡蘇頭屢捕洋盜。粵艦方燦時游奕閩浙濱海。嘉慶元年七月。率兵艦隨遊擊陳名魁擊之。青水洋。衝鋒過屬。所擊多賊。生擒賊首羅阿義等。餘匪竄入浙界。跡至潭頭洋。攻敗之。艇賊目吳興信以贖健聞。十月。猝遇諸獺窟。輕銳剽疾。幾脫去。六韜佔上風。縱橫與角。遂竟縛以歸。并繫夥黨多名。明年秋。戰於竿塘。與水師營千總王得祿。張雨翼夾擊。大獲。拘沈阿喜等。先後擒獲百餘名。擢補金門右營把總。遷安平千總。卒。營州林

龍嶺采

李得勝。先居金門。移廈城。隸漳浦籍。由行伍累擢水師提標後營守備。乾隆間。兩帶鳧水兵赴浙水掠。賜銀幣。又

從將軍常青東勦臺灣林爽文。時海盜乘間起。奉檄率水師防堵鹿耳門。五十二年秋。擊之涵西港。獲其五艘。奸稍李淡渡張桃等二百餘人。欲竄內地。方出鹿耳門。盡擒得之。小除夕。賊迫郡城。得勝在洋。瞭見四鯤身火起。揮兵登岸夾擊。賊引退。明年正月三日。戰竹仔港。皆捷。復在打狗港擒林振等。經二十餘戰。以功授南澳左營遊擊。凱旋。調水提標後營。獲洋盜彭庇等六十餘名。陞乍浦叅將。未赴任。以前防蚶江。失察偷渡。貶秩畱任。嘉慶元年。補水師提標叅將。八月。擊賊井尾洋。殲斃無數。生擒陳壘等。獲舟三。餘匪狼奔燈火。復爲陸營截擒靡脫。越月。北巡草嶼。擒

陳科科等獲舟二。陸鰲之戰。轟擊粵盜。殺傷甚多。遁去。皆與金門鎮李南馨軍相犄角。五年十月。安南夷艇據蘇尖。率舟師擊之。破其船二。盜首梁阿五等被俘。并繫其妻孥。旋以蔡奉入大擔。降千總。洊復原官。護金門總兵陸瑞安。

副將。未任卒。子文瀾。官守備。

營冊林
規燭采

李漢升。任廈門。晉江籍。偉軀體。乾隆五十一年冬。從征臺灣。林爽文。先後三十八戰。以藍翎換花翎。累陞澄海副將。嘉慶七年秋。從提督孫全謀平博羅縣賊。授碣石總兵官。旋因脫犯。落職謫戍三載。釋回。出洋隨緝。漢升感奮。嘉慶十七年七月。遇賊烏坵。彈矢騰鎗中。持牌刀。躍入賊船。格

殺生縛鄧五等以獻。越月復擒陳登於小麥洋。按把總
九年七月有盜伺劫硤口洋。攻獲其船。盜泗水遁。漢升擊
楫追之。竄伏山莽。搜擒賊黨朱天記。錄功補水師標後營
千總。署金門左營守備。移病歸。子飛熊繼官守備。案牘林
魁廣采
謝恩詔。號紫齋。任廈城。乾隆間。以征臺灣林爽文功。累官
龍門協副將。嘉慶九年。陞蘇松總兵。海賊蔡牽竄入吳淞
港。降都司。入閩調用。旋補黃巖遊擊。護瑞安副將。十四年
秋。在漁山外洋從擊牽。奮勇鏖戰兩晝夜。牽赴海死。叙功
擢安平副將。陞黃巖總兵。署寧波提督。恩詔知書史。文移
箋牘。手自起稿。性嚴察。所至湔洗積習。推引賢能。在龍門

曾建義學。延師教弁兵子弟。及民之無力就傅者。人頌其德。提督吳必達林君陞作水師要畧舟師繩墨。恩詔重梓以行。海上事取則焉。子天驥守備。林焜

焜采

陳登捷。福山社人。副將萬山弟。兄弟並起戎行。登捷狀貌魁偉。屢著戰功。嘉慶十四年。任玉環叅將。漁山之役。從攻蔡牽。迫賊船。拋擲火斗。火炮焚賊船。牽落海死。舉船賊斃二百餘人並死。叙功例陞副將。護黃巖總兵卒。子尚忠。官守備。萬山子志成。任廣東達濠把總。以哨海覆舟沉沒。

予恤襲。

張中丞奏稿及案牘林焜焜采

李尚華。家居廈城。編伍水提標。拔千總。嘉慶十年閏六月。

從總統李長庚攻蔡牽於青龍港。十四年五月從提督王
得祿攻駱仔盧於白犬洋。並著勞績。大吏彙叙南北洋勦
捕功奏列一等。時海上盜魁畧盡。餘賊兵屬尚肆陸梁。十
七年五月分舟泊空口澳。擒其黨胡瓊。獲船二。七月戰大
麥嶼。賊敗竄。窮追至東莖冲山。破其艦。生致吳九諸賊。不
數日復搗於烏坵。以火攻沉其艦。囚王鵠輩四十三賊。越
月八日。擊唐沙伍帮匪於瑩頭洋。再擊之小麥洋。獲賊四
十六名。獲船四。砲械火藥無算。總督汪志伊加犒贈焉。終
金門石營守備。案嶺村
焜嶼系

會允福。同安人。家廈門尾頭社。嘉慶五年入水師營爲舵

工。歷年駕舟出洋。緝盜多獲。拔左營外委。十二年二月。在廣東泥海。與蔡牽船對敵。石傷足。旋於目門洋獲艇賊李五等八名。十一月。攻蔡牽於浮鷹洋。獲賊船。擒三十人。陣斬一人。服復被創。明年冬。擊獲小人幫賊夥。南下隨金門總兵。於松年攻蔡賊首朱清。叙功記名。十四年春。與戰於料羅洋。再擊之。於小伯嶼。獲陳全等三名。遂由金門把總。游擢閩安守備。獲賊竿塘。奔遭風。落水不死。授南灣左營遊擊。屢獲洋盜。周阿泉。李帽。蕭陳阿。啜林狗。黃光。陳士安等。道光元年。署提標後營遊擊。設閩安副將。署提標叅將。舉軍政卓異。調臺灣中軍遊擊。獲盜吳包。舵陳安。惜黃

曹等擢艤舦營參將卒於官

營冊孫
雲鴻采

趙世芳同安縣人家廈門城內嘉慶十四年隨提督王得祿擊海賊鳳尾幫於海壇洋又隨追蔡牽浙江黑水洋鏖戰方酣連擲火器燒壞賊船舦樓沉其舦事聞

殊等

圖其名

賞獎武銀牌擢把總累遷海壇左營守備率師

出筆架山洋緝獲王尚玉等五賊拔出難民之被擄者補福寧左營遊擊署烽火門參將以商船被劫降守備捕獲盜首自贖丁艱歸卒於家

營冊孫
雲鴻采

蒲立勳字樹亭初名立芳廈門城內人入伍水師嘉慶十一年從提督許文謨擊蔡牽於臺灣有功拔把總十四年

從王得祿追蔡牽於黑水洋。得祿被創，督戰益急。立勲拔佩刀斫舡，呼曰：今日不用命者死。以所乘艤撞牽船，船破，牽自沉。立勲受傷，墮海得救。免事聞。 殊圍其名。補

千總。歷官金門、廣東、游陞溫州總兵。以母老歸養。道光十

三年卒。抹補

列傳三 忠烈

明

葉翼雲，字載九，一字敬甫，蓮坂侯鄉人。崇禎十三年庚辰進士。知吳江縣。故事，獄鑰掌於縣丞，多為官要禁無辜者。翼雲清獄出之，徹丞鑰自掌。其害始絕。家事無大小必手

裁。值歲祲粟貴，奸民朱和尚乘機煽亂，佯示寬縱，卒掩捕無漏網者。朝中黨起，文選司吳昌時通盜，盜倚內援，剽掠無敢撓。翼雲密使尉擒之，昌時貽書爲盜地，拒不聽。林以危語，亦不爲動。爰蝗飛蔽天，翼雲按捕蝗法，謂於露翅濕濡時便，乃夜行田間，督從者協捕蝗。下令輕罪，以捕蝗數爲贖。蝗患既息，繼以荒旱，步禱龍祠，日行數里。凡設廠施粥，買米平糶。及浚河造船，以工代賑，無不備舉。時國用詘，議者欲因畝加賦，翼雲條上其不便。縣省六萬有奇。十六年，東陽之亂，茗禾兩郡大震，翼雲念戍守單弱，選精壯，教以坐作擊刺，相度形勢，令城外四圍，皆可馳馬，增築臺舍。

其上晝則戎服閱兵郊外。夜則巡行闐闐間。偉然自成一軍。北都變。聞不軌者。洶洶思亂。廉得其主名。捕殺之。一邑帖然。尤好獎拔才俊。培植士類。先是吳民詣闕懇再畱。巡撫邢彪佳上其治狀。巡按周元泰亦上言葉。令才守爲上。上考任滿。將入都。以催科不及格。爲吳昌時黨與所阻。乃寓寺中。吳民譁曰。何忍以吾曹累我公。爭相輸納。不旬日完二萬七千五百有奇。投櫃。贏餘發脩理承天寺。吳民建祠祀焉。臺臣嘆曰。生祠去思碑皆可作而致。惟郵亭之官。不事敲朴。而完糧幾至三萬。非深得民心者不能。起爲禮部精膳司。轉儀曹。晉吏部清吏司郎中。以親老乞歸。唐王

八閩擢稽勲司員外以便宜視同安縣事素服與師城破
與其弟翼俊同殉難闔門死焉時年五十有二 國朝諡

曰烈愍翼俊以倡義兵授監紀推名

節本傳林志
遂撰并家乘

葉直查字復迅官浙江樂清縣知縣伯熊字復文貢生任

南靖縣教官

采葉氏
家乘

論曰翼雲通籍後令吳江計不滿三年而適當其否綏輯
撫禦整然有方不可謂非才之裕矣至今吳江之民祀之
宜哉

直彌心店前人崇禎元年戊辰武進士任南京都司歷大

同參將甲申殉闖賊之難

府縣志
家乘

葉爵字尊侯蓮坂人崇禎十五年壬午武舉歷官南京叅

將後死難於許灣

林明
編采

國朝

洪有禎號亮士嘉禾里人授徒里中訓督甚嚴父老以醇
儒目之歲丁亥兵起有貞從俠客糾海濱壯士入守漳浦
城陷被執見大帥挺立不跪目直視髮上指旁執刃者皆
靡帥怒命縛於市磔之懸其首城東門時當暑月血色數
日不變青蠅毋敢集若久之卒投其頭於濠於是門卒
皆病中夜狂叫若有物擊之者乃相與求其頭羅拜瘞之
有禎早歲工書做文衡山賈人持售外國得重價歿後隻

字之遺人爭寶之。夕陽寮存稿

卓超字峻巖。後路頭人。原籍溫化。任水師提標外委。康熙

二十二年。從施琅征澎湖臺灣有功。授左都督。隨平

古州陣亡。卹襲雲騎尉世職。後子孫式微。不復襲。凌翰

歐陽凱字虞臣。外清人。漳浦籍。累官江西九江協副將。陞

蘇松鎮總兵官。功加左都督。康熙五十七年。調鎮臺灣。六

十年四月。土賊朱一貴作亂。樹旗小岡山。遣右營遊擊周

應龍領兵四百進勦。遣臺灣縣丞汪廸調四社土番隨之。

應龍逗留不進。越七日。宿南路營。賊合南路賊杜君英夾

攻之。兵敗。賊陷南路營。乘勝攻府治。凱與遊擊劉得紫出

重刊三
卷一
三

駐春牛埔。晦日大戰勝之。賊退屯竿津林。五月朔。賊黨數萬大集。凱躍馬衝突。兵忽內亂。百總楊泰綽號達家勇者。先通賊爲內應。刺凱墜馬。賊刀交下。截其首去。得紫被擒。不屈曰。吾爲命官。不得不死。但求埋吾帥尸。死瞑目耳。賊聽其收埋。幽得紫於學官朱子祠。會南灣鎮總兵藍廷珍統師恢復。執達家勇付其子敏自行處死。贈太子少保。予祭葬。世襲騎都尉。恩騎尉罔替。祀臺郡忠義祠。初劉得紫。莖凱尸。失其首。事平。窮治賊黨。乃得之。莖於興化小鎮巖下。敏任碣石總兵官。

通志臺灣志平臺紀
畧合纂林規續采

張養。字浩然。連西保人。海澄籍。水師後營把總。雍正十年

春臺灣北路克番爲寇。養奉委征勦。閏五月二日屯營。一線未晨炊。番至督兵轟擊。被圍馬陷。野田不起。奮身步戰。殺番賊無數。忽流矢中鼻。死翼日。王帥令尋其尸。見養新立野田中。兩手拔矢。奮怒如擊賊狀。事聞予祭葬。追封忠

義將軍。祀忠義祠。子耀武。襲廕千總。

孫雲鴻林焜燁承

黃海靖山頭人。龍溪籍。副將隆子。任福建水師提標前營遊擊。乾隆三十四年。川師緬甸檄調。閩粵水兵令海分率。往至騰越。趨戛鳩江。登舟方近新街。遇賊接戰。手殺兩賊。突中鎗落水死。從行者中管把總黃得彰。前管把總臨萬福及兵丁陳戰等八十七人。皆陣亡。或被擄。外委鍾朝川

回自老官屯爲陳其狀將軍阿桂以聞 賜卹予祭葬於

子喬以守備用

案贖林
魁橫采

楊起麟號解齋閩縣籍家廈門以督標外委中式乾隆二
十四年己卯科武舉會試後改隸水師三十四年補提標
千總陞中營守備遷左營遊擊調署臺灣安平遊擊五十
一年十一月北路賊林爽文作亂起麟帶兵勦捕擊賊於
三廊竹於牛桐溪於蔴豆於查畝營疊戰鹽埕橋鹽水港
搜賊下藁庄灣裡溪八卦藁臺斗溪大埔頂楓樹脚舊營
庄明年正月從總兵柴大紀復諸羅與賊戰相持北門
後數十戰殺賊數百人獲僞軍師侯元上功 賞戴花翎

擢廣東大鵬營叅將回郡諸羅爲南北之中賊必欲得之
六月復傾衆攻圍八日將軍常青遣起麟赴援至正音庄
爲賊所截起麟奮勇當先賊集如蟻復值秋霖田水阻深
衣裝盡濕鎗砲不燃衝突不能出被獲女賊目葉省嫂勸
降起麟大罵以脚踢斃賊七八人賊怒繫其足以沸湯灌
其頂刳腹抽腸支解之時起麟弟起鵬在軍乘間得其首
賊平從子繼勳尋訪其尸歸葬事聞以副將優卹 賜祭
葬入祀昭忠祠給雲騎尉世職又恩騎尉罔替子清茂襲
任南灣左營守備卒孫長耀孫公鴻林
恩顯采

甘瑞龍海澄人居廈門與叅將楊起麟比屋而居補水師

左營外委隨征臺灣林爽文與起麟援諸羅被截率親兵
四十人被圍衝突被擒瑞龍美丰姿賊目葉省嫂甘言誘
降願以身下之瑞龍怒罵曰我 朝廷命官豈從淫婦作
賊耶奮力斷繩索奪賊刀欲殺省嫂省嫂怒喝賊黨鬪割
之掩其首溺桶中二十有八遺孕子泰元始生時總督
李侍堯督師廈門令與起麟子同抱入見憫其呱呱襁褓
惻然垂涕賊平題請入祀昭忠祠世襲雲騎尉三世後恩
騎尉罔替泰元襲署海壇右營守備歿子文標襲林焜熿
凌翰承
彭大猷廈門人水提標外委林爽文之亂提督黃仕簡檄
檄東征以大猷爲前鋒從復諸羅攻斗六門將軍常青令

分扼北門柴頭港南北路賊大會圍郡城攻北門入城
諸軍出死力與禦賊退援蘇豆莊以兵少幾陷遇賊得脫
隨勦南潭克之旋戰歿於陣嗣子得恩襲雲騎尉尉其焜

陳國棟龍溪人僑居廈門以軍伍洊擢浙江乍浦參將奉
檄領浙江兵船在洋緝捕屢獲盜犯嘉慶三年八月十七
日在普陀洋攻安南夷艇首先帶兵過船殺死紅六盜首
三名搜獲安南印照三紙沉其艦乘勝回船與別艇戰深
入賊艖中砲死奏入予祭葬入祀昭忠祠世襲雲騎尉子

廷俊襲

凌翰林
焜燠采

陳鳳高廣東潮州人居廈門補水提標左營外委嘉慶七

年守小擔汛。五月朔，洋盜蔡牽乘潮猝至，鳳高飛棹告急。守備某叱其妾，答之忿甚，回汛思為螭臂之拒，甫至小擔為賊所圍，鋒鏑交集，力屈死。妻控大府，治大擔汛弁罪，給銀。初，大小擔無守禦所，至是大擔始築石砦二，小擔築

石砦一，添設汛兵二百餘名。採陳氏家乘

胡振聲，字子容，號成菴，懷德社人。父貴，任廣東提督，諡勤懇。振聲入伍十四年，補澎湖把總。乾隆五十年，純廟

南巡，隨澎湖副將帶兵赴杭水操，拔千總，署水師提標守備。從征臺灣，林爽文獲著名賊目陳來等，叙功補海壇守備。嘉慶二年，陞玉環營叅將，玉環為父貴舊治，嘗建義倉。

日久蝕耗振聲剔弊補闕復其舊四年授廣東龍門副將
巡撫阮元奏請留浙初振聲獲劇盜劉脚張彩翁等數十
名得賊書按名搜捕盡獲由是海上聞振聲名畏之如虎
蔡率每遇振聲輒竄去一日被圍急易小舟遁獲其舟
卽溫帮改名左鋒船也檄署温州鎮在狗洞洋獲賊江文
五等一百七十餘名級三船十二實授本鎮總兵官先後
奏捷七終以牽未獲引媿會牽擾臺灣調入閩堵截九年
六月朔諜知牽北竄會海壇鎮孫大剛閩安協蔡安國澎
湖協張世熊齊追至西洋望盜船七十餘艘皆朦矓巨艦
且佔上風諸軍遲留不敢進振聲揮船獨發把總馮光陞

跪請曰少須合諸軍齊進振聲曰我以身先衆船其肯後乎有頃復跪請曰公不念太夫人耶振聲潛然出涕曰毋多言已再鼓曰是何地也敢再言者斬連發巨礮斷賊船桅賊死傷甚多諸軍率制下風但叫呼助軍聲卒莫肯前牽見我軍援絕乃率新附梁山幫小船二十餘艇合圍之振聲舟舵工忽中傷風帆欹側振聲遂被掣而仆牽念振聲同鄉不欲傷其命以雞皮裹藥貼傷處振聲揭去大罵不絕口遂遇害同日被難者把總馮光陞兵丁葛錦高等八十二人事聞加提督銜賜祭葬諡武壯入祀昭忠祠世襲騎都尉子廷恩襲

交翰采

陳廷梅字佐鹽號香巖海澄人移居廈門歲貢應清子嘉慶十年任臺灣北路淡水營都司十一月海賊蔡牽泊淡水廷梅方募義勇爲禦敵計而山賊內應遂遣家人去決計以身殉十六日賊從扈尾登岸率所部拒戰死事聞

世襲雲騎尉入祀昭忠祠

林焜橫采

陳紹芳後崎尾人千總天鱗子嘉慶十二年以水師提標後營外委從李長庚擊艇賊於廣東甲子洋乘風搏鬪右腿中礮死子承恩襲雲騎尉

林焜橫采

許廷桂字偉臣號鼎齋先世自吳徙楚祖大猷任廣東副將父德任浙江黃巖總兵官卒於澎湖返葬廈門因寄籍

焉。乾隆五十二年。廷桂隨提督黃仕簡征臺逆林爽文。三十四戰。以功署金門守備。擢遊擊。護海壇鎮。累誤降調。嘉慶五年。授香山都司。擒洋匪一百八十餘名。優叙三年。隨左翼鎮黃彪緝獲土盜二百餘名。復在洋燒殺賊船。屢有擒獲。八年。調赴惠州。隨提督全謀勦捕山賊有功。賜服物優獎。時永安會匪滋擾。廷桂進勦。賊首投誠。餘黨蕪匿鐵籠嶂。廷桂率師銜枚由嶂背直抵巢穴。勦殺之。擢香山副將。先後獲洋盜八百餘名。生擒著名賊首。奪其舟艦。以功累算奉

旨褒嘉。護理左翼總鎮官。十四年六月。率舟師巡梳夾門。擊海賊總兵寶。沉其舟三。乘勢衝擊。賊

敗走軍中方報總兵寶砲斃餘黨倉皇逃命而張保仔粵
之巨盜也統船三百餘艘來援廷桂督師迎戰會東風陡
作波浪掀騰賊據上風拋擲火器舵斷賊登廷桂船廷桂
與千總毛國斌持短兵接戰手刃數賊傷重爲賊支解年
五十八子成福並遇害同時負弁死者二十四人後數日
晉船獲廷桂尸歸葬事聞祭葬如總兵例入祀昭忠祠成
福及陣亡弁兵一體優卹世襲騎都尉恩騎尉罔替墓在
紫雲巖。

按廷桂遇害時相從殉難者署守備陳大德署千總葉
高外委陳聯魁陳見湯萬國平何新其都司嚴高未入

流施鳴等俱陣亡。未獲其屍。又署千總盧大隆等十

六員。未知死所。

凌翰采

陳建勳。廈門人。海澄武生。効力戎伍。林爽文之亂。奉調從征。大小三十六戰。授水師提標中營把總。嘉慶元年春。土匪吳亮等在逃。大吏索之急。以屬建勳。五月。吳亮夜糾黨將由青巽出海。建勳偵得。駕輕舸襲獲之。洋盜林洪密入青浦爲奸。亦爲所獲。嘗與蔡牽負創力戰。李壯烈伯稱之。十四年十一月。押運渡臺。船遭巨風擊碎。死於海。優典卹。襲孫淮濤。襲雲騎尉。林焜燦采

袁高生。前園保人。少習賈。非其志。棄去。投水提標。入伍理。

帆線事。拔中營把總。初獲盜於石美樹堯南園。後屢有擒
獻。歐水結會。滋事玉洲。卽日擒縛之。新來舵叔石浦米船
逃入閩。乾隆六十年七月。從金門鎮李芳園戰於南日。獲
所劫米。督撫賞給銀幣。遊擊陳名魁以爲能。署爲選鋒。令
扮賈舶。梭駛銅山南海間。十有四日。遇賊舍洲。佯北軍士
伏不動。旣迫。乃大發砲矢。賊驚遁。名魁從上風掩至夾擊。
擒賊張天參。明日追及宮仔前垵。獲接載賊魏港。覆其舟。
當是時。有林潭者。呼爲海鳥先鋒。蔡牽橫於海。最趨捷難
捕者。嘉慶元年二月。停泊石圳。隨名魁擊殲之。復在將軍
海獲趙元賊。四月。哨濱洲。遇柯佛船。曾在浙劫鎗砲名魁。

麾兵急擊。高生首先躍過船。右股被鉞傷。表瘡搏鬪。纍佛等二十五人。粵艇羅阿義剽海上。當事檄捕急。令分扼竿塘。七月三日。戰青水洋。賊飛砲傷其右腮。透入唇。屹不動。名魁乘風衝犁。擒其首。總督魁倫賞銀幣及獎武牌。仍紀大功二次。先予千總頂戴。其冬。又獲艇賊於獺窟。擒吳興信等三十九名。嘉慶三年正月。圍侯煥於斧頭灣。獲五卮。鉛藥砲械無算。叙功超等。五月。從遊擊蔡安國追賊船。甫交。左手虎口被鉞傷。額中石擊。高生不顧。先躍賊船。斫殺。衆從之。賊下海死。俘二十七人。擢前營左哨千總。調南灣左營守備。嗣送金洲船。至浙江遭風覆沒。北虜予恤。襲林焜

慎采

列傳四 孝友

元

沈祥。同安人。元至正甲午盜起。祥負母挾子章逃。嘉禾出。父子爲賊所掠。與母相失。祥以計脫走。衝賊鋒求母。晝夜號於路。三日始獲。母巖穴中。母子抱持泣。以貨贖。質其子章。獲錢數緡。復負母歸里。章遂爲廈門人。仕明洪武間。請宋學士濂銘祥墓焉。閩書

明

王德。字俊明。嘉禾里外清人。唐忠懿王之後。其先居晉江。

有應鼇者。宋度宗時以戶部郎爲郡會恭帝北狩。攜四子
隱居嘉禾巖之五通崙後。其仲子曰士周。與伯士稷。叔士
鄒。遂徙外清。德卽士周八世孫也。或云從帝曷航海歸隱
於此。家乘從蔡虛齋遊。傳其學。人稱曰誠齋先生。本傳按察
副使楊逢

春撰子高立。名賢繼。以字行。爲諸生。有學行。門環溪流。水甘

以清。學者因所居地。稱曰清溪先生。遂號清溪也。嘗出金
代族人輸賦。縣令表其堂曰義方。有夜行聞水濱私語者。
曰。卽不罹於法。倘令清溪先生知之。亦應魂死。蓋盜也。人
比之王彥方。年八十六卒。有毛詩小傳十六卷。義方堂文
集二十五卷。本傳工部尚
書陳道基撰高立。次子覲。字正朝。號蓋吾。判

寧海州山東故多蝗歲饑民相食覲曰此長吏無救荒法耳自斥千金建義倉荒則貸於民民感其德遷福州府審理辭不就於其歸也輸二千金請置田宅留與相保笑曰豈有去父母之邦而客此乎不受乃立祠肖像祀之覲內行脩撫孤姪惟忠成立後官縣丞以同居訓子孫著爲家訓每食必祭祝曰留不盡予子孫後嗣遵訓同居五世不衰島上稱義門焉與父並祀鄉賢

本傳侍郎何喬遠撰

覲子民毓字

惟貞號含淳事兄撫弟妹曲盡其道遵父訓義居罔不恭

命避禍粵西卒年四十六生子三曰起槐贊槐肖槐

本傳姪侍

郎與贊槐名命瑄字熙性益修其業內外無間言

志肖槐

名弼瑄字熙輔。王家政。義門之名益著。將卒。呼子孫戒之曰。務積德。毋務積財。財有聚散。脩德可長有令名也。

鷺江志

贊槐子家獎。字可勸。號掖仲。自高立。至家獎同居。於是五世矣。一門六十餘口。男女各治其事。中饋五日一輪治。一物之微。必長幼分嘗。國朝遷界時。人苦播越。而王氏一門保聚如初。家有蜂房。旣分復聚。人以爲義居之感。家獎充康熙四年癸未歲貢生。

縣志

論曰。義門之罕見於世者。治家不得其平。婦女得從而妻非之也。聞王氏非素封。子孫能五世相守。義方之訓有自哉。當鄭氏肆虐海上。富室無完戶。而王氏獨全。亦淳謹之

風有以致之也。或曰民毓避禍。卽避鄭氏云。

林大時。字以爲。號碧溪。塔頭人。父應。訓導彭澤。卒於官。大時。匍匐扶櫬數千里。歸葬日。向墓門鞠跽絮泣。奉母百計承歡。孀妹貧。不能自給。迎歸。割田以爲養贍。傾囊佐族子竒石讀。竒石遂發解。其居里中。未嘗分毫忤物。無賢愚。曲誘迪之。斗室蕭然。客至蔬醪酬對。逍遙杖履。有桑亭翁之目。萬歷間。縣令徐待舉爲鄉飲賓。年八十。以孫宗載官。贈中議大夫。節止端存稿

陳邁質。號同泰。先世自漳南山徙同安嘉禾店前鄉。坐族解戶株累。遷長泰。繼復還同安。故有同泰之號。六歲而孤。

依祖姑適吳者久之。吳意怠。卽自僦居。負備樵採貿易以
供母。仰取俯給。家稍起。及娶妻虞氏。與約曰。吾出營甘毳
資。女謹事姑。俾行無後憂。居無闕事。於是近走閩清。遠走
廣湖。率移月始歸。歸而洗腆奉母極歡。母歿。盡哀禮。葬之
長泰。比闕後。居同邑學宮旁。嘉禾宗人以事赴邑者。館之。
來就試者。加厚。有貸者。不取息。貧者焚其券。復置田若干
畝。以充先祀。族有祭田。自遺質始。邑令趙學仕予冠帶。賓
之曰。老農安能從大夫遊。辭不赴。與妻虞氏皆年近九十。
猶及見其子孫登科。子台衡。孫一經。俱萬歷間舉人。

節錄
遜巷

國朝

陳新猷嘉禾里人。事繼母。能得其歡心。海警時。素餉而弟病被虜。所猷奔代。備受拷楚。卒俱免。行買所贏餘。悉奉父母。分給弟。不入己藏。諸姪之孤者。爲之聘娶。其於倫叙。幾

能無遺憾。可風也。

府縣志

林起鳳。烈嶼人。監生。考職州同。八歲。父死臺灣。尋遭海氛。與母相失。稍長。竭力行求母。得之於海頭鄉許雲家。遂居廈島。偕妻石氏。盡孝養。已復東渡臺灣。遍求父墳。不得。獲一香爐。有父欸識。攜歸祀焉。篤愛同母弟起鵬。買田宅。給之。延師教督。後爲諸生。食餼。捐金脩葺學宮。獨建祖祠。里

人李姓負官帑數十錢。質女以償。如數與之。而卻其女。貧
佃逋租數百斛。破券免之。康熙三十八年。於七洲洋遇颶
風。聞空中有聲云。林孝子在此。得無恙。同行者云。卒年七
十二。子孫多籍學爲生。曾孫曜華。貢生。事繼母以孝聞。兼
善醫。董玉屏紫陽書院事。先後勸增膏火若干。不愧爲孝

子裔也。附之。

府縣志
并家乘

楊秉忠。字敦誨。竹坑人。值海氛。負親逃漳十三載。家貧而
親足甘旨。幾欲忘其貧也。卒年九十五。孫國文。乾隆三年

舉人。

屬江
志

林德謙。廈門人。性和易質樸。自臺灣移親柩歸。遇風。舟幾

覆德謙抱親柩號呼。竟反風得無恙。其地建祠施棺。孝學
爲之。又捐金贖難民。孫全子。鄉里尤高其義焉。爲江志

陳迪元。鄉飲賓。店前鄉人。少時卽能佐父母事祖母。母病
久。得竒疾。髮生蟲。不可爬搔。迪元以已髮引出之。居父母
喪。克盡哀禮。季妹孀而貧。收養之。以長其子弟。死撫其孀

孤如之。又建祖廟。修遠代祖墳。置祭田。周族戚之不足者。
其篤於內。可紀者如此。乾隆十五年。後塘橋倒塌。迪元捐
資重建。又修築茂後橋。鋪平沿海險徑。鄉人亦賴焉。縣志

池阜聲。西邊社人。候選郎中。事孀母楊氏以孝聞。乾隆間。
以特用道銜効力河工六載。大吏薦其才當補。會母訃至。

或勸暫匿。俟得缺發喪。臯聲垂泣曰。負親不孝。欺國不忠。忠孝俱虧。焉用富貴。即日促裝。倍道南下。衝犯霜露。已病疲。抵家撫棺。一慟幾絕。不一月竟卒於苦寢。今崎嶇有母節子孝碑。過其亭者。猶能言臯聲也。林焜 廣采

劉承芳。岐西保人。舉人志賢進士承業兄也。少從父航海。父絆船纜墮水。承芳號救無術。遽赴水覓屍。舟人力持阻。不聽曰。身隨父出。父歿身歸。尚得為人子乎。竟蹈海死。翼日。舟人見其父屍倚舟側。相訝為神。收殮之。而承芳屍不知飄何所矣。家人招魂附葬父墓側。進士郭邁誌其墓。劉氏

家乘凌
翰采

余辰樞字荆齋。廈門張厝前保人。海澄籍。居親喪三年不
入內。余氏五世同居。而辰樞主家政。能無間言。乾隆四十

二年。

旌表建坊入祠。

林焜
橫家

楊天香字子翼。廈門人。原籍龍溪。事繼母林氏以孝聞。林
患眼。清晨必含冷水。以舌舐之。尋愈。迨林年老。得疾不可
起。則籲天請以身代。林病果瘳。而天香瘦矣。里人稱其篤
孝。子春條亦以孝聞。嫡母陳年九十三。生母黃年八十二。
春條已六旬。哀慕如嬰兒。孫樹功。邑庠生。嘗代父繫獄。當
道感而釋之。亦孝子也。交翰
米

論曰。方林病瘳。已得請於帝矣。而必死。天香豈鬼亦有額。

非代不可。嗚呼。人誰不死。爲親而死。得死所矣。是乃天所以彰孝子。代與非代。可置之不論也。

陳元珩。字崇懿。先世居浯洲。後遷廈門。吳厝保。父雲客。邑諸生。母鄭氏。皆性嚴毅。或怒元珩。令長跪而已。執業不顧。良久。令起煮粥。元珩隨奉熱粥進父母。怪所從來。則元珩審知父母飢。竊起煮粥而還。跪也。家貧業賈。朝夕必歸省。歸必市豬腰以供膳。父所嗜也。密置金錢於牀頭。不令二親知。後買臺灣。恐塵倚間望。約五六日一寄書。又懼爲風所阻。先封數函。託知交以次獻。及歸。海上舟忽不前者三四日。而他舟日連檣西去。舟人竊恠之。及至廈門。則前兩

日颶風大作港內先至艘盡碎多溺死者同舟人夢神謂曰爾曹獲生陳孝子之庇也由是里人始藉藉傳爲陳孝子云元珩有子五人孫曾四十餘人子廷振字敬遠國學生六歲方在塾聞大父歿擗踊而歸哀毀如成人父母昆弟間未嘗有拂意鄰嫗戒其子輒曰若曹不見陳永郎耶永郎廷振小字也乾隆五十二年浯洲饑載米卹其族人明年疫施糶五百具孫榮瑞號雪航以廩生爲龍溪訓導道光元年舉孝廉方正用知縣念母老不奉檄山東巡撫武隆阿羅致幕中適東征欲與俱以母辭陳光求鎮崇明有舊再三要之固辭歸養母十餘年以畫竹自娛年五十

二。先母卒。人咸惜之。

凌林孫
全孫

賴滋身。黃厝保人。幼穎異。十二歲能詩。乾隆五十七年。年十九。父疾。割左股和羊肉以進。不效。復割右股。竟不瘳。滋身尋死。無子。母依壻家以居。壻以一子嗣焉。

凌翰
采

論曰。割股。古人謂之愚孝。如滋身以救父喪生。而遺其母老。壻家。至於不祀。其能無遺憾耶。然當其割時。祇知救父。豈料身亦隨喪。以貽母憂。而斬祀哉。其心可憫。其事亦良可悲矣。

林陶光。字爲章。關仔內人。乾隆四十年乙未歲貢生。有楊哲者。盜陶光祖墳。匿其骨。陶光流離控告。卒得直。置楊哲

於法負骨以歸。朝夕號泣。與同臥起者累月。晚年危坐正
室。族中有爭。來愬者。雖至親不袒諱。年九十三。子榮元。邑
諸生。

林冕。嶺凌論
采林氏家乘

陳應清。字仰蘇。號冰壺。世居海澄。從父遷居廈城。海澄有
陳氏大宗祠。僅存基址。應清承父志。倡新之。置肥田。父病
醫言糞苦當愈。應清嘗糞甘。痛絕。禱天所代。及父卒。百日
鬚髮盡白。丁母憂。哀毀如之。喪祭式遵文公家禮。卜葬後。
朔望詣墓奉茶菓。三十餘年無間。又畫二瞻圖。以寄孺慕。
友愛諸弟。終其身事師。林爲章如父。皓首隴眉。追隨杖履。
時稱盛事。家無餘資。而親友急難。必極力爲之經理。時時

以濟人利物爲心。物論比之陳太邱云。子廷梅。淡水都司。

殉海賊蔡牽難。自有傳。

凌翰林
焜燠采

李圖章。字獻文。吳厝保溪仔墘人。一歲而孤。母曾氏鞠之。及長。雖家貧。必謀甘旨以進。年五十餘。有七子。讀書服賈。能各任其業。而圖章日以養親爲事。母八旬。雙瞽。起居飲食。必躬親。不假手妻子。夜就母寢。母歿。圖章年已七十一矣。痛哭如嬰孩。及葬。朔望步行至墓所。跪進食菜。卒年八十有三。子跨鰲。嘉慶二年歲貢生。

李氏
家乘

林嵩。字苑賓。海澄灣頭社人。移住廈城。孝事二親。兄服賈歿於臺灣。嫂蔡氏守一子。纔四歲。嵩令嫂暫歸母家而已。

訓蒙塾中節膏館膳供嫂及姪族人義之。鴻頭明末苦海氛舉族流逋。祖墳失守。祠亦傾圮。至嵩皆復其舊。年七十四。送孫廣揚赴試。復與考入邑庠。卒年八十三。孫廣揚候

選縣丞。

凌翰采林氏家乘

陳誠諒。廈門縣後鄉人。奉母林氏甚謹。溺器必親滌。不委之妻嫂。家雖窘。逢母誕辰。必營酒食。爲母祝。兄誠謙。業農。

誠諒凡事必稟命而行。篤於孝恭如此。

凌翰采

王光亨。一名泰。字開三。南安籍。世業醫。遷廈門。父歿。母與失明。光亨扶持療治。靜夜焚香露禱。雙目復明。鄉里驚異。以爲孝感所致。受徒所得脩脯。悉以歸兄。嘗在泉赴試。聞

履歷志 卷十三
弟病奔救不入試。人稱之。凌翰采

呂仲誥字謙六居小走馬路。少孤。事節母謝至孝。凡力所能逮靡弗。至母病。仲誥年亦衰。猶且誦經。爲母禱者十餘載。母歿。哀毀骨立。若無所依。值生辰。家不置酒。自往墓次祭。遶墓而泣。聞者悲焉。初母治家嚴。仲誥母敢忤。或不懌。率妻孥跪堂下。隣嫗過者。咸嘆息。勸慰命之起。然後起。時年已四五十云。子世宜。道光二年壬午舉人。林焜橫采

趙孟正。梧桐埕人。少孤苦。諸弟皆幼。鑄鍋爲業。得贏餘。謀精粢以供母。自與諸弟食薯乾。後別謀生計。積有八萬金。以均諸弟。親友判孟正當從厚。孟正不可。人服其公。弟孟

澤客死於浙。季弟孟眾徒步二千里，載柩歸葬，亦難得也。

凌翰采
家傳

王夢悅，字盼庭，廈門崙後人。家貧，授徒養母，朝夕必歸定

省，所得脩脯，先營甘旨，而後敢及其餘。兄夢情業賈亦善

事母，兄弟嘗侍母傍。鄉人語曰：「二子鬚髮半白，豈猶需母

乳耶？」其家風想見之矣。子瓊，瑛，道光八年戊子舉人。凌翰

曾邦翰，字屏之，曾厝坡人。邑諸生，母鍾氏病，易生邦翰，疾

益甚，有時露體狂奔。邦翰方七八歲，抱衣裙號泣，追逐鄉

人憐之，護送以歸，稍長，日加防衛。母或乘閒出門，輒踪跡

負歸。母起居飲食，皆身親之。至娶婦，不息，隨父楚生，應督

...

學試榜見已名。而父被黜。歸。厲涕零不止。父令束裝歸。邦翰嚙嚙不敢言。適友來賀。方知之道光元年。詔舉孝廉。

方正。邦翰不與。鄉人私相謂曰。若會君。其不媿斯名歟。年

八十有九。

凌翰林
焜熒采

金光輝。字海文。晉江人。從伯兄遷居廈門港。母病痿。侍湯藥無間。年十七。以家貧輟學。託身市廛。輒執券讀。越十年復試。遂籍學食餼。充嘉慶二十四年己卯貢生。性廉介。伯兄歿。孤幼。代理肆事。八載。所得盡歸諸嫂。女兄寡。時周恤之。里有貧欲鬻其婦者。婦義不去。光輝聞而憐之。捐二十

金。全其夫婦。是年幾不能卒歲云。

凌翰林
焜熒采

廈門志卷十三

列傳五 義行

元

林天祥字時若嘉禾里人嘗司常平倉升斗不苟會鄉賊掠其里避地漳州及歸邑再有警率里人築堡捍禦老歲賴之年六十八卒里人哀悼如喪所親

府縣志節林登川集原傳

明

陳真泰字乾通

家譜字乾通鷺江志以爲名府縣志又作乾道

店前人唐場老之

後家饒而好施遇義舉必力爲之與弟陽泰人呼爲二長者值歲荒出粟賑鄉里咸享實惠郡邑旌義行也年九十

五終曾孫致宏治十一年舉人

閩書府縣志
參陳氏家乘

傅琪字質溫號永江中左所人服賈養親轉販米穀於漳泉間時其貴賤而不多取直仲兄珍繫獄琪橐餽以從力爲訟寃出之父與長兄琮同日卒琪哀毀幾同斃撫二姪恩勤備至子鎮爲諸生有文名誠之曰士當先行而後文也及舉進士又馳言論之曰幼學壯行此其時矣鎮歷官著清節父之教也鄉有兄弟爭田者求琪居間挈田相畀琪留與共酌反覆諭之曰辱君意誠厚顧君視予於兄弟孰親何不以讓兄弟而畀予其人愧悔敦兄弟好如初以鎮貴封御史年八十卒

節府

縣志

洪俊字子才。號見泉。同安市頭人。嘗徙居中左所。父母繼歿。季弟方幼。謂妻曰。吾任父。若任母。共卵翼之。以克有家。值海寇。氏鳥獸散。有父執彭姓。篋金百二十兩求寄。俊以亂辭。彭曰。得失有命。子不吾負。吾亦未嘗告吾子也。寇退。返之曰。幸不辱命。里中團結社兵。捍賊鷲門。有攻石者八人。自南安來。衆曰。謀也。攫其橐金去。且將沉之水。俊挺身持不可曰。傭也。若之何賊之。吾且白諸官矣。卒還金。而八人以免。以子日觀貴。贈如其職。

節選卷全集

林奇石字礪卿。號玉山。大梁從姪。隆慶四年庚午舉鄉試第一名。時晉江李廷機亦領解北闈。泉郡中式者五十八

人一時稱盛。計營北上。與王弁州世貞茅鹿門坤相唱和。爲所推許。性慷慨好交遊。歲餘有友持其筭金去。或問之。曰。已投某矣。里中山谷。產斷腸草。奇石易象。盡插其根。蔓患遂絕。所居東偏有隙地。建祖祠。繪以垣牆。延師課族中子弟。題楹帖曰。窮盡善退之。志當自圖一飽。遇苟如文正。祿餘敢忘三宗。可以見其志矣。薛家

池浴雲。字仕卿。號龍洲。中左所人。太常洛德弟。年二十一爲諸生。築精舍於五老山中。希跡城市。客至必與醉。常吟曰。釀成白酒緣留客。散盡黃金爲買書。孝事繼母。母卒。卜地以葬。葬時有雙鶴集其旁。人謂孝感。已而聞所卜地者。

李某以事被逮。會妻病篤。愀然曰。李君良友。坐視其非。享而不能爲白。愧貫高樂布矣。妻察其志。謂曰。余病稍愈。第行無慮。竟脫李獄。載與俱歸。崇禎十一年。應歲貢。未幾病卒。年三十四。鄉人爲鐫龍洲卧岡四字於五老山石。詳見志

岩集
合系

池浴沂。字士潔。號鷺洲。

清白堂稿
作三洲

中左所人。太常浴德弟。

入國學。故事上舍秩滿授簿丞及州倅。浴沂不屑就而歸。性廉慎。不妄取人一毫。妄加人一語。布蔬淡泊。時與知友引觴唱和。以是非曲直質者。片言立解。親屬來謁。必詢其甘苦。或周其不給。無少吝嗇。租稅之入。或後時。或乞免。亦

曲爲體量。年近九十。眼光如電。精神愈健。邑令延鄉賓。不
赴。乃顏其堂曰熙朝人瑞。卒年九十三。子顯充舉人。官同

知。清白堂稿見
知岩集合錄

鄭師。字延肅。號東石。溪邊人。性仁厚好施。值凶年。糴米賑
濟。遇骷髏輒埋之。親友借券焚焉。而卒。比鄰皆爲持齋。以
資冥福。孫潤中。官至大同府知府。誠中明經。縣志

國朝

陳邦寶。字璞卿。溪岸人。少躬耕養親。門內藹如。旋客甬東。
值歲荒。民艱衣食。邦寶製綿衣分給。復於通衢煮粥賑饑。
當事令邦寶倡捐兼董賑事。邦寶旣首捐。重資作倡。凡捐

輸者書其名於公所壁註明捐數若干人競感勸樂輸全
活者甚衆後乾隆間甬復大歉時邦寶已歸里矣寧台紹
道范某訪其遺法踵行之民困以蘇郵贈匾額旌之其居
鄉建玉屏書院置育嬰堂皆遺澤也

彰志

廖飛鵬字翼搏號石川龍溪籍任廈霞溪乾隆拾五年庚
午舉人明年成進士知河南汲縣尋改宜陽閩去河南六
千餘里以親老不能就養改汀州教授勤課諸生諄諄以
士品爲重一時士習翕然知所宗尚王講玉屏丹霞書院
教士自有條理生平重氣誼庚午偕友人蔡芳赴省闈芳
中途病痢飛鵬晝夜扶掖親滌襦袴撤棘後卽僱肩輿護

送馳歸出會城而芳歿以重金賞與夫星夜就道至家傾囊襄葬事孝廉姚文山與飛鵬計偕北上歸遘重疾沿途調攝到家疾瘥時論多之

凌翰采

黃元鍾號質齋漳之新岱人居廈門爲人謹厚重節義睦宗族海氛時期功之親移居福州者甚衆平定後皆招歸完聚各給資本俾得謀生平生自奉甚薄而濟人急難不吝鄉里稱爲長者子敞韜字謙六性慷慨有父風貸人不計息多寡有子母俱沒者度其人非負義卽爲焚券嘗有負人千金者將遠遁夜攜金四百告之曰某將遠出所存止此念君厚德獨以還君幸毋洩也韜曰子欲遠去而無

所有將何以求活盍攜之去爲圖生計以謀後日其人感泣而去後果獲利如數還之子日紀有傳

鷺江志

陳科捷字堯龍屢之寮上人少曠達嗜酒與李天震爲莫逆交屢人言其名者必連類及之爲文不逐時越年四十

九始受知於學使周學健晚爲學益篤制行益高一言一

動毫無所苟

鷺江志

黃名芳張厝保人例貢生父天授字勝願寬宏質樸友於兄弟鄉里稱長者壽八十乾隆十六年脩理廈門城知縣張元芝命名芳董其事建玉屏書院脩紫陽祠皆與有勞巡道德泰贈以匾額太史洪良圃藍古蘿爲之立傳

鷺江志

蔡克昌字爾熾晉江人遷屢爲同安諸生讀書必究源委以多病不赴考缺歲試者二乾隆十五年庚午秋闈抵省補試有貴介公子亦在補試中文未及半疾作丐其代完許之欲厚謝之問其名與其所寓皆不告後於途中遇之亦不告其處

鷺江志

許名揚字爾豐溇水人事繼母黃氏以孝聞兩弟早卒撫孤姪如已子慕范文正公爲人題其堂曰仰范倣文正公遺法建義田以贍族孤寡月計口授粟四斗男至十八歲止嫁娶死喪無力者皆取給焉又立家塾置書田俾族中子弟誦讀其中並自記勒石恐久或渝請於有司立案是

真能體文正之心不虛其慕者厥後生齒日繁義田不足於給子若孫咸增金至七八千世濟其美益可尚也

采家乘許

有駢撰

孫丕烈字駿承例貢生提督全謀子全謀遠宦付以家政

日奉祖母及母盡誠致養有大帥黃某爲父舊交以林爽

文之亂逮入京家財蕩沒困甚人不敢存問丕烈解千金

爲辦裝父聞之喜其識大義惜年二十五卒子雲鴻以廢

得官贈如職

家傳

蘇相德字性如號善堂外清人國子監生喜賜人之急尤

加意死喪臨歿斥五千金付子學浩施棺一千二百具極

貧者加衣袴焉以長子方能銜封中憲大夫

同安生員 陳鵬萬述

論曰相德之善以學浩著學浩為建寧教諭宜入宦績而例不得傳故志之以榮其親為世之善承親志者勸

凌雲字宏立號約軒安溪永安里人父郁星嘗遺金人稱長者遷廈門雲隨父居市廛年二十一始就外傅業師林如珪病痢劇甚雲負如廁數日夜衣不解帶襦袴皆手滌病革扶肩與護返其家喪葬畢乃歸年四十七始入學以訓誨後學為已任教人先孝弟忠信愚頑者間以因果動之故人有稱雲為好二氏學者非本意也雲自幼端謹不苟言笑性廉介一言一行必本小學道光元年舉孝廉

方正當事者欲以雲應。雲曰：孝爲庸德，非易言也。若廉與方正，乃儒生本分。況余未能也。母重予塊，卒辭不就。年八十卒。弟志棟，字宏度，亦以孝義聞。術於醫，雖大風雨昏夜，延者無不應。貧者不受謝而資給之。遇鰥寡孤獨，加意矜恤。乾隆六十年歲荒，故鄉親舊來廈告貸無虛日。竭力傾助，惟恐不饜其欲。後以病卒，年四十六。子翰，嘉慶二十三年戊寅舉人。道光十五年，旌表其門。

采家傳 蘇廷玉撰

王瓊林，字玉崑，號輝山，靖山頭人。嘉慶二十三年舉人。教

授閭里。多成名者。嚴靜而和，辭受取與間，斬斬不苟。豪富家非其親故，十邀不獲一面。非公事，不涉足有司之庭。生

平不忤人。亦不與人狎。不毀人。人亦無毀之者。少美丰儀。肄業玉屏書院。院側有女未笄。慕其才。意屬焉。正容拒之。應試郡城。有主人女窺而悅之。瓊林若爲不解。卽日移寓。去其陰行。尤足多云。卒年五十二。其弟子呂世宜爲之傳。

凌翰

黃登瀛。字學洲。轎巷人。太學生。性爽慨尚義。親故告匱。無恡容。有藉其力以嫁娶者。鰲背橋爲泉郡南北孔道。久圯。重資捐脩。剗赤嶺石運。嶮巖皆爲坦夷。往來便之。嘉慶二十五年。疫氣流行。窮民死。不獲斂殯。首輸四百金。請當道設義廩。捨棺槨。給斂具。爲惠最溥。子銓。試用訓導。

林煥燠

馬大賓字思敬邵武人父濬庠生大賓從戎僑居廈門遂家焉。歷官守備簿書文移皆親裁。嘉慶十年冬從赴臺灣勦蔡牽以功洊擢雲霄遊擊好周人急把總周大章將戍臺喪其妻遺子五歲大賓令妻撫養俟其再娶歸之守備李國榮年五十未娶助百金爲聘室次年國榮戍臺以妻托大賓大賓留伴其母日居外廂廈門有麻順者貧鬻妻去婦晝夜哭大賓假以金使圖生計又置義塚將軍祠前

卒於廈門

凌翰采

郭炯字企明石倉人徙居廈門父某好善家始貧炯善賈積十三年而家裕承父志新祖祠設義塾以教族中子弟

出千金施棺槨。道光十二年夏。饑。輸五百金爲倡。助義倉。

平耀。明年卒。巡道周凱志其墓。林焜熾采補

列傳六 文學

唐

薛令之。字珍君。長溪人。一曰徙今嘉禾里。神龍二年進士。閩人以詩賦登第。自令之始。開元中。累遷左補闕。兼太子侍讀。與賀知章並侍東宮。時李林甫不愜於太子。官僚冷落。令之欲諷明皇題壁云。朝旭上團團。照見先生盤。盤中何所有。首著長闌干。明皇覽不悅。援筆題曰。啄木嘴距長。鳳凰羽毛短。若嫌松桂寒。任逐桑榆煖。令之遂謝病。徒步。

歸明皇聞其貧。令有司資以歲賦。令之量口受賜。及肅宗即位。以舊德召令之。令之已逝矣。因勅名其鄉曰廉鄉。水曰廉水。有明月先生集行於世。府志葉晴峯詩話

薛沙令之裔。孫爲龍溪尉。居嘉禾巖。人稱爲薛嶺。其南陳黯宅在焉。時號南陳北薛。五世至文倬。任司農少卿。宋元祐中。裔孫頴士舉貢士著作郎。府志名勝志

按廈門人物以南陳北薛爲最古。此語始於閩書。薛令之云自福安徙居嘉禾巖。時號南陳北薛。又云令之福安人。祖元爲龍溪尉。因卜居焉。府志謂令之登神龍二年進士。陳黯乃會昌時人。相去百二十年。不應有南陳

北薛之目。且令之本傳不載遷同安。從名勝志作薛沙較確。其載陳黠云。徙居嘉禾與薛嶺。則薛嶺之名已在。前矣。閩書謂以令之得名。亦似也。然本傳不載令之遷居同安。而縣志鷺江志載其墓在廈門下張社。志云薛沙。長溪人。非福安人令之裔孫爲龍溪尉。始遷居於此。又考龍溪縣志。職官并無元與沙之名。所說既有異同。又無可攷証。又清漳雜記云。陳邕。神龍初進士。開元二十四年。被謫入閩。自莆移漳。有四子。夷則。夷錫。夷行。夷實。嘉禾。陳氏譜云。夷則。遷嘉禾。與學士薛令之同里巷。鄉人遂有南陳北薛之稱。島上覺性院。其所創建。今像在。

焉。卒葬烏石埔內潯山。然則南陳北薛豈夷則令之在前。黥與沙在後乎。抑後人多所附會乎。夷則姑從闕。令之與沙兩存。雖流寓卽家焉。若通志府志列之流寓。若縣志列之外紀。恐於體例未合。從鷺江志列於文學。

陳黥字希儒號昌晦。

本朱子禱正書序府志感贈爲別號

南安人。

按唐史黥文志漳州

府志作莆田人黃頌羅隱二序皆稱潯川陳先生不言其地

父贄通經及第。

黃頌安江黃夫人

黥無昆仲姊妹。

按登瀛陳氏宗譜黥係元運次子其長子名肇分派廈門似非單子

十歲能

詩。十三袖詩一通。謁清源牧。

按唐時泉州爲清源軍

其首篇咏河陽

花時面豆。

黃序註蕪之如豆者

新愈牧戲之曰藻才而花貌胡不咏

歌。應聲曰玳瑁應難比。斑犀定不加。天嫌未端整。滿面爲

裝花。繇是聲名大振於鄉里。

縣志云據此則是閩人明人皆言其初隱終南後徙嘉禾

未知何據十七爲詞賦。作蘇武謁漢武帝陵廟賦爲作者推伏。

黠松姿柳態。山屹陂汪。語默有程。進退可法。早孤。事母彌

孝。鄉薦求試貢闈。已過四十矣。其壻黃滔序云。會昌乙丑。

武宗五年逮咸通乙酉。武宗六年其間以寧家兼在。疾之斷絕。自乙丑至

乙酉相去僅二十年往來吳楚之江山。辛勤秦雍之槐。

蟬。嘆嗟知己之許與。與同郡王肱。通志文苑載王肱晉江人爲文好刺譏當世累

舉不第蕭樞同邑。此同邑似非同安解林顥。漳浦赫連韜。漳州府志載與莆田陳黯

布衣祭酒有聲亦據黃滔序始以蒲津爲莆田也福州陳旆。陳發。詹雄同時。而名

價相上下。其詩篇詞賦。賤微皆精而切。於官試尤工。云。咸

通初與江東羅隱定交於蒲津秋試之場

羅隱後立隱
與余聲跡相攻

京師膠其道於蒲津秋試之場甲申春告余以婚嫁之事
判東歸青門余亦東遊遠大梁至維揚歸其文相歡月餘

而

天復元年江夏黃滔求遺藁得文三十一首

非四十賦
九篇

若干首他處得詩若干首爲之前序羅隱爲之後序

以黃

滔序通志陳黯潁川人舉進士不第避黃巢亂隱居於南山後徙同安之嘉禾與薛嶺讀書終身號曰場老時人稱其所居山爲場老山所爲詩文有辨謀等篇復有書三卷約大易虛一數四十九篇各曰脾正朱子篤邑時得書於其家而爲之序翻書闕大紀亦云林霍詩話黯十八舉不第所著有綺莊集其詩皆不凡而樂府格調尤高

按黯唐季人當以同時黃滔羅隱前後二序爲準況滔

爲希儒內姪

一作

序作於天復二年

昭宗

去死後僅二

十五年羅隱序作於天復元年據黃序曰與同郡同邑

漳浦福州八賢名價相上下。以文而論，則爲臬人無疑矣。而通志乃曰：潁川人。載之流寓，載王肱於文苑府縣志，因之未知何據。漳州府志云：莆田人。此又襲黃序而訛者也。羅隱序言相接於京師，庚寅春。

庚寅疑庚辰之訛，咸通元年。

膠其遺於蒲津秋試之場。唐都長安，蒲津乃蒲州也。當以唐史藝文志南安人爲斷。通志以爲潁川人者，誤會黃羅二序曰：潁川陳先生故也。攷晉代東遷泉漳之間，皆望族。豈其先本潁川人乎？羅序稱黃滔曰：江夏君。豈當時稱陳姓概曰潁川，黃姓概曰江夏乎？閩大記謂：隱居終南山。後徙嘉禾。嘉禾乃宋時之稱，唐時未有也。

或者黥遊歷四方。遇黃巢之亂。避居終南。後歸故鄉。而徙嘉禾里乎。事無可據。未敢臆說。朱子碑正書序曰。唐陳昌晦撰。或別有其人。惜文理猥近。其墓表不可得見。至今屢島之中。子姓猶存。釣磯讀書臺具在。泉漳之間。以黥爲祖者。族姓蕃衍。通志府志列之流寓。恐非也。若廈門據閩書爲黥遷居之始。又不得列之流寓矣。

又按文獻通考載陳黯文集四卷。下繫晁氏曰。唐四庫書有綺莊集十卷。至綺莊時。已任刺史矣。計共一百六十七字云云。此條應繫劉綺莊集歌詩四卷下。馬端臨誤繫於此。林霍詩話因之。黯初無綺莊集也。獻清源牧

詩載在全唐詩馮誥辨謀諸篇載在嘉慶間新定全唐
文皆附錄書籍考備查

明

葉普亮字廣熙號靜菴蓮坂人幼穎異讀書目數行下。正
統十三年戊辰進士授南京清軍御史清無名之役鄉人
至今德之補北京巡城御史復任河南道監察御史清理
諸路戎政時有番使陳詩上命邱濬商輅等十三才子和
之普亮與焉又嘗與商輅劉某策馬觀榜商一覽無遺普
亮遺三名劉遺七名曠號天下三才子後歸養遊洪濟山
留雲洞有兩塔苔雨三春濕半嶺松風六月寒之句天順

中起用未赴而卒年五十葬烏石浦陳蓋山

縣志全詩無可考

傅鑰字國毗鷺島人自號鷺門山人中丞鎮之弟少時鳴
劍躍馬慨然思衛霍之勲結束學武久之厭去一意爲詩
以詩遍交四方豪俊壯歲遊二京吳會探鴈宥五羊之勝
晚以母老第往來漳泉間若編脩莊履豐戶部莊履朋及
大理何喬遷侍郎何喬遠諸名人皆所友善都督俞大猷
尤重之時叅計畫其在漳泉間者若丁一中陸一鳳殷康
沈有容皆雅相唱和嘗從豐城李孟誠講聖賢之道以提
攝收束爲要其詩錄苦而致精一字未安晝則忘疲夜以
申旦何喬遠嘗叙之行世

閩書叅何鏡山文集

池顯方字直夫號玉屏子中左所人浴德子

浴德傳初受在宦績

知於撫軍南居益天啟二年甲子舉應天試工詩文喜山水嘗陟武彘遊秦淮登秦岱舉山川磅礴清華之氣盡縮入毫楮間故所作空靈飄忽不可方物以母老不赴春官叅禪樂道結廬玉屏端山延陳止止說法其中六時與香鑪經卷爲緣時與鍾譚唱和海內名輩如董其昌黃道周何喬遠曹學佺皆折節樂與交尤與同邑蔡復一稱莫逆復一經畧滇黔一字未安郵筒往返相討論著有晃岩集南參集玉屏集澹遠詩集李杜詩選林孕昌序其集云直夫冰璞枯骨畔幅坊身學紹青箱韻高白雪卓乎不可一

世云

府縣志清白堂稿林素菴
集曹荃序文見岩集合集

國朝

鄭得瀟池仔人康熙間爲諸生一試不遇遂棄去沈酣經史年九十餘手不釋卷著有五經通義易研文學指南史統等書及入字圖說蘧廡近吟選各若干卷

府縣志通
志作得瀟

林鵬揚字翼南號穆齋東邊社人康熙三十八年己卯舉人任京山縣解組歸丁艱起補良鄉縣改漳浦教諭家屢門港藏書萬卷選擇詩文手自評隲俱有所發至老不倦有穆齋經義著作甚夥惜未梓行

凌翰采
家傳

池其繩顯充孫康熙四十年辛巳貢生性行溫和好學不

倦著史眼詩緯四書講錄三極藏書求齋別集

府縣志

曾源昌曾厝垵人康熙六十年歲貢生官訓導少年作百
花詩釋超全林鹿原估爲之序後遊臺澎有澎遊草一卷
臺灣雜詠三十首提督施世驃延主鷺津書院課其子弟
有逢齋詩集八卷

鷺江志

劉天澤字履臣廈之北門人也由龍溪學中式雍正元年
癸卯舉人授武平教諭性和易爲學篤志力行教生徒以
切實爲務遊其門者多所成就著四書述酌折衷至當士

咸宗之

鷺江志

林豐玉字伯年號璞園關仔內人祖熙卿明季諸生隱居

教讀豐玉作文劇心錄目補邑弟子員雍正十二年甲寅
優貢士任甌寧訓導日與諸生講學尋考亭之遺丁母憂
歸杜門不出日評經傳著有後學程式卒年六十

葉龍字秀峯蓮坂人乾隆十八年癸酉歲貢讀書默識不
事高聲爲文澹遠有逸致著述甚多南華經註尤得其解
少時得咯血疾讀君子莊敬日強語遂日日危坐病亦漸
瘳然飲酒數杯血立見至老如是人謂其文奇於病病奇

於人

鷲志

蔡德輝字子耿屢城人自號覺昨叟性倜儻不屑仰面於
人待人嘗留餘地又不竭人之歡時或吟咏自遣著有鳴

秋草五卷嘉禾測文集十卷節全閩詩僞

李正捷字遜之廈門人能詩工書善鼓琴深究天文地理

之學兼精劍術著有月山詩文集嘉禾

嘉禾

黃日紀號荔厓龍溪籍任廈門張厝保以生員特用中書科中書陞兵部武選司主事丁父艱遂不仕闢別墅於鳳凰山麓饒泉石亭榭之勝園多古榕蔡文恭公題曰榕林日紀工詩文性好客往來名流多主其家觴詠無虛日著有全閩詩僞嘉禾名勝記榕林偶吹榕林唱和荔厓詩集

挫鮫精時藝等書行於世嘉禾文獻考

林遇青字春三一字春賢同安庠生居廈門爲人重名儉

私氣詎祇礪廉隅不諧於俗以期門欣飛賦見賞於巡道
登瑤圃此得名竄道皆器之試輒居第一年末三十而卒
著有漁城詩集四卷文集二卷

張廷儀字希五同安廩生居廈門性爽朗畧細故而豪
於酒讀書過目成誦爲文搖筆立就少時嘗同諸名士宴
會用詩牌作集字詩衆方攢眉嘔心廷儀參錯位置其捷
如響詩旣先成詞亦斐亶相與嘆賞巡道譚尚忠觀風三
郡置第一刊其詩稱爲作者

采黃日記
詩集彙咏

張錫麟字爾芾龍溪貢生屢試不售遂無意場屋放情山
水以吟咏自娛居鷺江雙池之上因號池上翁所著有池

上草三集唱和詩二卷史論三卷子名揚名振孫驥皆邑
諸生

林明琨字子美嘉禾里人博聞強識沉靜簡默中年喪妻
者再失子者三備極坎坷而爲詩聲調和平無牢騷抑塞
之態可謂達觀委命者矣所著有應秋草若干卷

莫鳳翔字子瑞嘉禾里人幼學詩於晉江黃夢琳潛心聲
律在雲洲詩社亦鍊中之錚錚者所著有鷺門草四卷碧
山草堂詩鈔一卷莆田林兆龜序之謂其有孝思語有勉
勵語有小懲大誠語有留心世道語與鑿空強作尋章摘
句者不同

張承祿字其在厦島人屏絕世慮任情適性平生一介不取於人有古狷者之風四壁蕭然嘯歌自樂所著有孝子忠臣錄善惡金鑑隱林酒史壁峯詩話壁峯詩集唐詩彙韻等書

黃名香字蘭友嘉禾里人性恬默寡交遊喜吟咏所居號烟霞塢常鍵戶不出惟黃蓮士林子美莫子瑞諸詩人頗與往來薛梧山輯鷺江志與有勞焉所著詩集名清閨草蔡天任字弼卿嘉禾里人幼穎異博涉書史雖專治舉業亦留情吟咏年弱冠能詩當時與許象峯藍春園林南池薛梧山謝餞鄒諸君詩酒唱和性極恬雅歛然自下諸君

重之所著有霧隱草

以上俱采黃日記詩集彙詠

薛起鳳字飛三號震湖海澄鎮海衛人遷居嘉禾里乾隆三十年乙酉舉人重意氣通經術與藍古蘿黃文川張西麓倪深田王藻雲皆爲莫逆交嘗與黃蓮士諸人結雲洲詩社登臨山水唱和無虛日島中稱風雅焉同安令吳鏞脩邑乘山川古蹟任以採輯凡舊志舛錯者更正之著有

梧山草與楊國春黃名香輯鷺江志

凌翰采

王經綸初名綸字愧言號蓮洲雙蓮池人乾隆四十五年庚子舉人性恬澹寡應酬惟讀書是務受業者多成名鄉里敬愛之同年張京翰誌其墓曰爲文章則孤心獨造評

詩酒則申且忘倦處朋友則然諾不欺教子姪則舉動有法恪守先業垂裕後昆亦可謂之完人矣著有經史緒餘

王氏
家樂

郭希洛字宗程號南溼海澄人僑居鷺門乾隆四十八年

癸卯舉人爲人慎重不苟言笑作文苦心孤詣不輕下筆

生平不作草書初應童子試撤卷時猶未脫稿學使令奪

其卷無一字召至案前責之希洛不置辨學使視其稿分

明可誦閱終篇曰詩文俱佳覆試補寫可也遂入泮其食

餼時亦然鄉薦不數年而卒著有韻齋詩文集

凌翰
采

論曰希洛書法勻淨其讀書有人一已百之功皆從攻苦

而得志之爲質魯者勉

許溫其字玉如居外清乾隆五十七年壬子副貢生有文
名隸精篆刻摹遊閩粵間好山水遇名勝地輒流連吟咏
所作如種芥云老方知子辣咬始覺根香秋懷云黃葉相
思字青帘賣酒家珠江閣云漁唱千山晚花船五月秋讌
集龍山云溪聲咽危石樓影出層巔觀音閣晚泛云江翻
野燒紅分黛河沒青篙白打船岐山絕頂云天垂匹練溪
光合秋入重螺暮靄橫初春云風開簾幙客初醉烟鎖池
塘鶯亂啼題鄭惠亭廣文行看子云相看鬢髮成今古迴
首亭臺半雨雲他如江風山月蓼花洲一棹劃破空天秋

皆秀句也著有箬漁近草如西居稿琴香書屋稿

七種

周禮字世崇一字敬堂晉江諸生設教鷺門遂家焉生六歲而孤十歲能文以十三經與童子試籍學有神童譽施世瑚蔡鎮世晉江名宿也尤器重禮而鎮世以女女焉妻兄學鯤與禮相切磨學益進學鯤選刊詩賦禮爲之註經

書子史無不淹貫爲古文詞章雜體卓然成一家言屢薦不售同考官剽其文爲擬墨見者不平禮曰亦知已也晚年病目有質以文者令自誦讀爲評論之究心韻學詩尤

韶秀幽遠著有悔菴小草

凌翰林撰
燠全采

林爲洛字呈九號雪巢先世莆田黃石人曾祖澄功加左

督上宅厦門爲洛爲諸生教授里中著有書易二經管
見焚餘草一卷子宗環嘉慶六年舉人

凌翰
采

葉懷荆字培田蓮坂人邑廩生家貧篤學博通經史尤深
周易老年雖盛寒溽暑早夜誦讀弗輟著有太極圖說及
古文文法評註若干卷

陳榮
瑞采

蔡洪璧字爾荆漳州鎮海人也居厦門入龍溪學工文旋
食餼後移籍同安操行謹嚴淡泊自安取予一介不苟教
生徒雖行坐小節不越規矩朝夕講解必盡其詳著有琢

齋集行於世

鷺江
志

列傳七 隱逸

明

陳則賡號錫墀官兜社人郡諸生長史則采弟聰敏多智

泰昌庚申紅夷窺中左所則賡以計靖之按府縣志作天啟元年

無庚申庚申為泰昌元年天啟二年壬戌復至總兵徐一鳴率師來屢

則賡贊畫軍門謂夷性反覆宜剿撫並用乃詭詞議撫尅

日出家貲募敢死士椎牛酒置毒入夷舟逼觴之且曰今

日互市成中外胥福盍姑盡醉夷喜飲則賡急下小艇趨

舟師挾所製油箠直撲其艦乘風縱火夷眾燬焉臺省交

章論薦叙功第一予官不受並不赴舉闈豪放山水間以

老孫國倫康熙三十五年丙子舉人府縣志陳氏家譜增纂

論曰隱逸非樵夫漁父之無能爲者唯其有經世之才而甘爲樵夫漁父之所爲是以尚耳則廢少與其弟則采並以才學稱觀其設計禦夷毀家濟難非豪傑之士而能之乎以之經世又何如也顧不受一官徜徉島上以沒於世斯爲真隱者哉

林志遠字致子號陶菴大梁孫

大梁傳在官績

塔頭人萬歷四十

六年戊午年二十六舉於鄉力學博聞九上公車崇禎十六年癸未始成進士授工部主事以歸甲申後奉母結茅清溪仙峯嶺不復出人稱陶菴先生年七十二卒著有歷

代史白

府縣志

楊期演字則龍號克齋從金門形埒移居中左所博涉書
史尤工古文崇禎三年庚午舉人甲申後與父廩生鍾璠
杜門不出讀書安平山寺唐王召爲兵部主事時及唐王
出延平府幸賴期演追赴不及辛丑以後僧帽道披吻

跡後溪邨日惟垂簾閉戶校讎經史爨火屢空泊如也每
歲遇春秋佳日陟山巔北望酌酒遙拜繼以痛哭聞者憐
之卒年七十餘著有易經管見島上紀事子秉機元孫宗

潮俱庠生

林焜熿采新
縣志參家譜

楊秉機字允中崇禎間邑諸生期演子國變削髮爲僧自
號鷲島逃人北抵金陵上京師蒼茫吊古若不勝情秉興

遊岱岳意趣甚豪思欲窮覽寰中名勝以行路既艱屢變
姓名間關試歸深自韜晦胸既積有塊壘感事懷人一記
於詩天津西望云海氣連孤塔波光壓古城舟泛浙江云
雲收千嶂立水漲萬山高卽事云馬蹄遲積雪木末接遙
天憶遊云銀河倒瀉乾坤小滄海騰浮日月慵渡楊子江
云北固斜連平樹浸金山中立信潮分抵儼石云倒攜如
意歌新曲每着征衫語舊知廿八都云茅店更新留晚酌
野橋依舊送歸蹄又有笑人爲氣候認我是江山之句寄
意遙遠所著有浩然小草

林焜燿
禾木集

林嘉采字景則應翔次子中崇禎十五年壬午順天舉人

留心理學。國變韜晦。嘗謂其甥鄭得瀟曰。士貴立品。與聖賢俎豆相映對。尋常青紫。不足豔也。其品之高潔如此。

志

葉后詔。中左所人。爲諸生。屢試冠軍。崇禎甲申。應歲貢。京師陷。未廷試而歸。以詩酒自娛。與徐闇公。鄭牧。仲輩爲方外七友。移浦臺灣。著鷄草五經講義行世。附縣志

海紀

阮文錫。字疇生。父伯宗。字一峯。世襲千戶裔。夙居海上。幼孤。泛海求贏餘以養母。母沒。躬負土石。與父合塋。薰朋。生平寡言笑。絕交遊。取與不苟。一表三十年。一履五年。終身不衣帛。值峽江曾樓之喪。傾囊助之。聞賊陷京師。文錫方

弱冠。慨然謝舉子業。師事曾履。傳性理學。患難與共。又得友曹石倉之友楊能元。池直夫。聞其緒論。講習風雅。旁及道藏釋典。諸子百家。兵法戰陣。醫卜方技之書。無不淹貫。出賢名山大川。北抵東華。託處十數載。後乃逃於釋氏。名超全。以教授生徒自給。實鄭所南。謝臯羽之流。著有夕陽寮詩集。詩論詩韻行世。林佶謂其詩冲微澹遠。一以正始

爲宗。年八十餘卒。

府縣志 泰丁 鴨水林吉
人序畧 通志 列文苑

葉啟。字景芝。號際國。蓮坂人。進士翼雲姪也。幼警慧。力學攻書。善屬文。崇禎六年癸酉。補弟子員。唐王入閩。丙戌開科。與島人張金棕。劉顯襄。並領鄉薦。攝漳州別駕。闔事

壞從雲雲倡義起兵守同安城破屏跡蓮村十六載居
鬱鬱以書史自娛語及國事案難輒鳴嗚哭不自止癸卯
島變資志以歿閩家流離年五十有七子錫壽字康侯官

通政察言司使

家傳林
魁續采

葉迎字允受號集五蓮坂人族有克曠秉華者並以軍功
累官都督僉事迎結髮從戎剪畧冠時思步其武由所籍
累擢總兵右都督明亡悲憤杜門不出春一笠秋一綸猶
徉世外以耕釣終其身

林魁續
采家乘

薛登龍字建章海澄人遷居同安之鷺島爲人重意氣敦
交誼篤志好學屏絕浮華不與世相接晚年日與二三老

友尋山問水飲酒賦詩有翛然物外之致

全明詩傳

列傳八 寓賢

寓賢事蹟不一前明流寓諸公有督師海上者有間關瓊尾者其大者已歸入舊事志然君子所至草木皆香故詳其生平爲海濱景企焉其他亦擇其人有可載者載之

明

曾櫻字仲含號二雲峽江人萬歷四十四年丙辰進士崇禎初以參政分巡漳南禽斬九江土賊至盡民爲建祠累任工部侍郎巡撫山東乙酉以工部尚書召入閣旋掌吏

部王銓事進宮保兼文淵閣大學士唐王敗避居金門所
轉徙鷺島辛卯島破家人請登舟櫻曰此一塊清淨地正
吾死所也復泛海求活耶二月晦夜自經於所居樓上門
人阮文錫陳泰冒險出其尸鄉紳王忠孝殮之殯於金門

國朝賜諡曰忠烈

明史及府志縣志島上節
烈傳釋史無遺文賜諡稿

陳泰字降人銅山人鎮海衛諸生每試輒冠其曹寓居鷺
江閣部曾櫻試儲賢館拔置第二人及島破曾櫻死難泰
匍匐負骸走三十里付其家人登舟以殯歸不食三日卒
其甥堇之江上

吳鍾巒字峻伯號樵山學者稱爲霞山先生武進人崇禎

十三年庚辰進士知長興縣以見奄人崔璘長揖不屈削
職後起補桂林推官甲申聞變絕而復蘇出事福王於南
京子福之起兵太湖死入閩事唐王擢廣東副使未行而
閩亡遜跡海濱嘗憤士大夫多失節因作十願齋說寄意
魯王至中左所入謁起拜禮部尚書尋從王至浙舟山師
潰復渡海入城與張肯堂訣作絕命詞自焚死詞曰只爲
同志催行急故遣臨行火浣衣年七十有五 國朝賜諡

曰忠烈

南臺
釋史

鄭道謙字履恭會稽諸生僉事之尹子也素放誕好結客
凡扛鼎擊劍之徒日盈其庭潞王以杭州降乃集其徒

義興軍寨旂過清風里殺紹興府張縻取庫中兵仗聲勢
大振與督師張國維迎魯王監國紹興官中軍都督府左
都督封義興伯江上潰攜資挾妾從王泛海至廈門崎嶇
島灣數載後與鄭彩爭洋船彩恐其襲已與閣部熊汝霖
會見並為彩所害妾全氏死節國朝賜諡節愍

欽定

勝朝列節諸臣錄
明史南區詳史合參

鄭遵儉會稽人通政司副使從魯監國寓廈門後亦抗節

死國朝賜諡節愍

南區
詳史

陳士京字齊木浙之明州人由進士官給事中先借江上
諸君子仗節衛婺問已隨魯王泛海入島寓居鼓浪嶼生

有俠骨與談古今忠義及世運成敗興廢之跡輒扼腕廢
眠食發憤著有來詩復書悲宥激壯其憂時憫世之意盡
托於行墨間其詩崢嶸奇偉尤擅長歌紀許國序其復詩
稿傳焉卒於鼓浪嶼 國朝賜諡節愍

石青遺藁

姚翼明字興公浙江人官兵科給事中明亡起義海昌事
敗遠舉出入於風濤危險中氣不撓已栖君山從魯王乘
槎至島僦居東嶽廟燹火屢空充然自得旋入洪濟山爲
僧娛怡文咏後歸平陽著有南行草

節紀許國南行草序

趙振飛字見白曲周人天啟五年乙丑進士除涇陽縣崇
禎初徵授御史劾首輔周延儒溫體仁出按福建會海賊

劉香老數勾紅夷入犯。懸千金激勵將士。於是鄭芝龍等破之。既以忤體仁謫河南按察司檢校。尋復巡撫海陽。流賊陷山西。遣將防河。振飛團練鄉兵。得兩淮勁卒數萬人。故河南副使呂弼周受賊命來代。以武愨及賊將董學禮據宿遷。率兵出擊。學禮逸。禽弼周。磔之。鞭愨於市。檻車獻於朝。福王立馬士英。遣田仰代之。歸寓蘇州。唐王時起。爲吏部尚書。文淵閣大學士。大兵進仙霞關。唐王走汀州。振飛追赴不及。退入安平鎮。丁亥。謨聞唐王遁在粵。同萬年英泛海就之。舟次虎門。始知乃唐王弟聿鏞。故相蘇觀生等共立。建號紹武。已敗。遂不敢前。回依廈門。後赴永明。

王召卒於途

明史參東平紀
畧得史姓遺

萬年英字靜齋湖廣黃州人。台州通判。唐王開闢福州。詔至台時。張國維方奉魯監國。衆持疑不用命。年英以當此之際。不宜異視。羣議始息。唐王聞其事。擢爲兵部職方司主事。闖變。退入安平鎮。托跡鷺島。久之。赴粵。永明王召。仍授故官。癸巳。復自粵至島。左圖右史。盈室皆書。每想謝臯羽爲人。日與林自芳。徐闇公。紀石青輩遊。後不知所終。東平

祀錄異人

集合參

沈宸荃字友蓀。號彤菴。慈谿人。嘗親炙黃道周之門。登崇禎十三年庚辰進士。授行人。奉使旋里。福王時。復命擢御

史屢疏抗言切中時弊又劾王永吉張縉何謙諸罪又諫
郊天改期是時朝政大亂宸荃獨持正要羣小無不恨之
出爲蘇松兵備僉事未赴南都被舉兵邑中魯監國累擢
至東閣大學士從之舟山又從之泛海抵中左所永明王
召至尋復飄泊江湖閱數載乃自海壇攜家人屢轉徙
金門後艤舟南日山遭風失維不知所之相傳歿於海

國朝賜諡忠節著有彤菴遺詩

明史南臺釋史明
詩綜石青尺牘

張煌言字元著號蒼水鄞縣人能文章善騎射崇禎十五
年壬午舉於鄉錢肅樂集師遣至天台迎魯王監國紹興
賜進士授編脩閩中頒詔之役自請爲使釋二國嫌丙戌

師潰與富平將軍張名振扈監國入閩又與名振搗吳淞舟山城破扈監國再入閩次鷺門時成功兵獨強於監國脩寓公之禮惟煌言以名振軍爲衛嘗曰招討始終爲唐真純臣也成功亦曰侍郎始終爲魯與吾豈異趣哉與叅軍羅子木徘徊兩島間日從紀許國諸公遊唱歌酌答許國贈詩如十年栖海風濤遍一念酬君鐵石知淵明常愛籬邊菊杜甫空悲亂後官煌言讀之淚下後招軍天台會名振之師趨丹陽成功興師江南煌言以監軍會之復四府三州二十二縣兵敗自義烏東陽出天台復樹蕪招集流亡永明王遙拜兵部尚書辛丑復入閩成功已抵澎湖

遣羅子木。以書責其出師。壬寅。滇中陷。成功亦卒。吳曰。已矣。吾無望矣。復聞關江潮。結茅懸壘。隱圖起兵。被獲。死。杭州年四十五。國朝諡曰忠烈。子木名綸。深陽人。從死。

南

釋史參
異人集

拔從監國再至中左所者沈宸荃張煌言及富平將軍定西侯張名振三人。名振江寧人。後以軍入長江。抵金焦。遙望石頭城。祭孝陵。題詩慟哭。又掠瓜儀。深入江寧之觀音門。還屯軍南日。病以所部歸。煌言卒。雖至鷺島。未嘗久寓也。不載。

徐孚遠字闇公。華亭人。崇禎十五年壬午。鄉薦。故太師階。

之支孫也。當明之季，江左社事最盛，而松江幾社以經濟見。字遠與夏允彝、陳子龍、何剛尤為社中之傑，頗求健兒俠客，聯絡部署，為勤王之備。及陳子龍為推官，引東陽許都見之，既而東陽激變，殺許都，以書責子龍。馬阮亂政，惡之，杜門不出。南都亡，贊夏允彝起兵。之聞道信州，謁黃道周，道周極為疏薦，又以張肯堂薦進兵科給事中。會監國再出師，字遠獨身周旋義旅間，欲令之協和，而悍帥如鄭彩、周瑞之徒，勿聽已，乃返浙東，入蛟關，結寨於定海之柴樓。魯監國授左僉都御史。辛卯，舟山破，從監國浮海至鷺門。鄭氏待以客禮，每以忠義激厲，成功大事，皆諾而後行。

嘗自嗟曰司馬相如入夜郎平。世事也以吾亡國大夫堂
之傷如之何。永明王自滇晉左副都御史。戊戌冬隨周金
湯赴滇。失道安南。安南王要以臣禮見。不屈而還。因與葉
后詔鄭郊輩結爲方外七友。浮沉島上十四年。著有釣璜

堂等書

南疆釋史參
交行摘藁

按開公傳見於各書者。詳畧互異。明史謂其因松江破
遁入海。死島中。泉州府志謂其居廈之曾厝垵。福建
通志本龍溪縣志謂遊龍溪後不知所終。南疆釋史則
謂其歿於臺灣。鷺江志亦言自亡江滄。栖星槎幾二十
年。垂老更適臺灣。挈家佃於新港。躬耕歿世。同安縣志

因之而考臺灣郡邑流寓志無開公傳焉豈失傳歟野
乘又謂康熙癸卯島破諸縉紳多東渡獨開公駕船歸
華亭明詩綜引靜志居詩話亦有乘桴遠引騎鶴重歸
之語似開公因未嘗渡臺矣藝海珠塵編開公交行摘
葉後附林震王灃所撰二傳言癸卯之變擬歸故鄉不
果轉徙入湖之饒平山中以歿其稱說年月及死狀甚
悉霍灃同時人見聞當確是開公未嘗渡臺並未嘗重
歸華亭也諸說不同錄以備攷

辜朝薦字在公湖州人崇禎元年戊辰進士授江南安慶
推官歷掌科坦看卿寺與郭之奇羅黃傑黃奇遇號為四

駿明亡依鄭氏初棲金門廈門後移寓臺灣卒孫文麟

熙三十九年庚辰進士

臺灣府志登
江志縣志

謝元朴字途野潮州進士官兵科給事中韶晦入厦削髮

爲僧

東平
紀畧

陳瑞龍湖廣人程應璠浙江人並由武進士歷官都督解
兵退隱與徐闇公輩遊紀許國詩云勲追盛世麒麟閣人
是深山布褐翁殆有湖上騎驢風後陳卒於厦而程不知

所終

異人集參
東平紀畧

林英字雲父福清人崇禎歲貢積學負文名任昆明令有
神明之稱永明王時爲兵部司務壬寅削髮爲僧從雲南

遁至厦島旋入臺灣

東平紀畧

鄭郊字牧仲莆田人明貢士值明季閩變避難入厦門清介博雅出入方巾布衣與里人鄭慕生義門王肖槐交善弟郊字奚仲亦負氣節

鷺江志

曾世袞字長脩興化平海衛人尚書楚卿子天啟四年甲子舉人砥礪名行有古君子之風戊子破產聚師兵潰逃居嘉禾手不釋卷日夕吟咏感事懷人流連三嘆繼以涕

淚尋以憂憤死所著有海山集

節紀詩國海山集序

周金湯字憲洙號穀城莆田人少折節讀書善詩賦及壯好孫吳兵法因學劍槊弓馬皆精其能崇禎十三年庚辰

以武經成進士見四方亂起慨然以身許國歸訣妻子謁
選得上湖守備累著戰功永明王時開鎮晉爵丁酉從桂
林出龍門航海來厦與紀石青輩盤桓吟咏者幾兩載尋
同御史徐孚遠開道入滇後死節於粵

通志卷石
青遺禁

許璟字得璟莆田人崇禎元年戊辰進士初授南昌推官
歷守韶州累遷湖廣叅議皆有平寇功以疾歸卒於厦

通志

東平紀
畧合參

唐顯悅字子安號枚臣仙遊人天啟二年壬戌進士累官
嶺南巡道丁艱歸唐王起爲右通政以兵部右侍郎進尚
書致仕乙未全家入鷺島隱於雲頂巖自號雲衲子以壽

終仙志
縣志

林蘭友字翰荃號自芳仙遊人崇禎四年辛未進士授知縣行取南京湖廣道御史疏劾輔臣張至發薛國觀冢臣田惟嘉樞臣楊嗣昌負國之罪忤旨連三上留中禍且不測詹事黃道周等交章論救譴謫浙江按察照磨直聲震京師時有五諫之謠既而賜環歷考功員外郎北都失守賊抄迨羣臣樹青紅二幟令降者立紅幟不降者立青幟蘭友竟立青幟下賊怒縛而晒諸烈日中有道士乘間投以襦帽嚙之得不死及賊西遁乃脫歸唐王起爲太僕少卿陞兵部尚書右副都御史總理撫討軍務糧餉督師泉

漳諸郡丙戌秋奉老親挈妻子遷入鷺島窮窮飄泊九十

五載卒

明史參仙
道縣志

黃壤陞字陟甫尚書道周從姪天資淳篤讀書數百遍乃成誦誦卽焚之終身不忘與同里林蘭友爲莫逆交舉天啟四年鄉試及流賊之亂匿跡不仕與蘭友抗賊南旋相率入島偕徐孚遠諸人放浪憑吊以卒

通志

洪思字阿士龍溪人年方舞勺隨其父遊黃道周之門爲所器賞道周旣歿逃於敬身山不入城市日以詩歌自放時買舟過江東登鄴山撫石齋墓哭而去同門友紀許國結茅吳庄湖洞從之虎谿夜月相對忘言晚復入山而卒

通志卷三
異人集

涂仲吉字德公漳州鎮海衛人黃道周門人萬歷間入太學一日在金陵聞道州下獄投觴而起赴闕上書帝怒詔杖之於長安門外下錦衣獄論戍尋赦歸歷翰林待詔唐王入閩授御史丙戌秋祝髮爲僧居廈門與紀許國往返已丑將卒前夕忽夢天上召修國史明日果以憂憤嘔血

卒

通志卷三
異人集

李茂春字正青龍溪人領明末鄉薦寓居廈門富著述風神秀整跣足岸幘旁若無人甲辰同盧若騰郭貞一諸鄉紳扁舟渡臺居永康里題其茅亭曰夢蝶處日翻佛經自

娛人稱李菩薩云

嘉善府志卷之九
東平縣志

張若化字雨玉號蒼巒漳浦人性孤潔師事黃道周崇禎九年丙子舉於鄉道周以言事下北寺獄若化適在京師微服雜廝役中進獄左右之燕都陷唐王入閩徵拜御史退隱丹山與弟若仲簣衣竹冠往來島上年八十六無疾而卒若仲字聲玉號次巒崇禎十三年庚辰進士授益府長史以母病乞休歸明亡焚棄筆硯山居五十年清脩獨善同邑倪俊明遷跡驚江時相過從與流寓諸君遊後回丹山卒俊明崇禎十六年癸未進士兵部員外郎

節選志
漳州府

志卷八 異人集

嘉善府志

王忠孝字長孺號愧兩惠安人崇禎元年戊辰進士授戶部主事司轉薊州餉內監鄭希詔欲自設兵置餉忠孝謂升斗皆官物安得餉希詔曰餉司能無額外征耶忠孝正色曰吾戴吾頭來豈以頭易升斗哉希詔銜之刺骨遂撫其未兌濕米疏論之緹騎逮治故事緹騎所至不厭其愆則楚毒隨之忠孝不能具一餐索署中不能滿十金校以其廉且寃之京師相傳爲怪事入獄抗詞無撓廷杖擬戍都察院王志道疏救得釋甲申聞變哭嘔血舉義興化福王監國金陵史可法特疏首舉以疾辭永明王自肇慶拜兵部右侍郎兼太常寺卿疏辭不許忠孝感泣居厦門會

厝垵者十三年尋徙潛之賢聚村復徙後豐港康熙三年

偕盧若騰入臺肆意詩酒翩然方外居四年卒

康臺府志
宋高宗

沈佺期字雲又號復齋南安人崇禎十五年壬午舉人明年成進士授吏部郎中唐王召爲都察院右副都御史福州破逃跡廈門後往臺灣累徵不就以醫藥濟人所著詩

文集卓然名家居二十餘年卒

泉州府志

蔡鼎字可托號無能晉江諸生精易學深明象緯能知未來出而走遍九邊孫承宗督師薊遼徵鼎參謀贊襄區處數年安靜帝賜號白衣參軍因疏陳魏忠賢之奸觸怒潛避莊烈帝卽位命繪像訪求復原職辭帝稱爲蔡布衣見

國患日深發憤伏闕陳疏極論邊事與時柄鑿竟爲所格
乙酉唐王馳詔三聘拜左軍軍師值鄭芝龍跋扈退隱嗣
入島日從紀許國尋幽選勝仙洞虎谿間遊屐折焉乙未
秋自知死日潔身憑几而卒著有易蔡集解萬遠堂稿

府志參
異人集

諸葛倬字士年晉江人明季恩貢唐王入閩薦授翰林待
詔加監軍道監鄭鴻逵師出兵浙東轉光祿寺卿閩變避
居兩島郡有貴人爲書相招謂幡然肯來監司可立致倬
回書力辭貴人乃以禍患危之後書謂聖王隆唐虞之德
小臣守箕山之操代有其人新朝政尚寬大須彌大千何

問微塵。必欲相強。便當剝胸着地。勿問是肝是肉矣。貴人得書惘然。知其志堅。自是一意著述。有集二十卷。藏于家。

二子璿。晃。俱能詩。有集。

府志參海紀

許吉燦。晉江人。崇禎十六年癸未進士。授知縣。歷刑部主事。國變。居廈門。後隱於臺。勵節以終。同時郡人寓廈者。並

南安林其昌。崇禎十二年己卯舉人。黃維環。崇禎十五年壬午舉人。潘廣鍾。字道宣。崇禎十五年壬午舉人。馮澄世。

字亨臣。丙戌鄉薦。

並采東平紀畧

張士柳。惠安人。進士。鑛孫。八歲爲諸生。崇禎六年癸酉副榜。聞變。避難於浯。屢漳澄間。後居臺之東安坊。杜門不出。

日以書史自娛。辟穀三年。惟食菜果。卒年九十九。臺陽府志

張正聲。字長正。號鏘至。惠安人。崇禎七年甲戌進士。授推

官。入爲戶部主事。歷職方郎中。李自成陷北京。爲賊所執。

榜掠拘囚。及賊西走。家人理其瘡痍。護以南歸。抵里。盡散

家財。募兵勤王。事壞。匿跡屢門卒。登忠臣錄。泉州府志

蔡國光。字士觀。號責服。金門人。崇禎七年甲戌進士。由鉅

鹿令召對稱旨。擢禮科給事。闖賊陷京師。執使降。不屈。賊

考掠極楚。索其財。從者貸與之。始脫歸田里。與同鄉許明

廷流寓鷺門。焚香却掃。徜徉以終。明廷萬歷四十三年乙

卯明經教授。同安縣志 參

東平紀畧

張灝字爲三大，登人，巡撫廷拱長子進士。

按通志及郡邑選舉志係萬曆

戊午

唐王時任兵部職方司郎中，後與弟遁跡屢島，庚申

自屢隱於臺，後卒於澎湖。年九十五。弟瀛字洽五，崇禎十

五年壬午順天試，唐王召爲工部司務，從灝渡臺。越明年

以病卒，年八十四。

臺灣府志

郭貞一字元侯，號道愍，同安後郭人。崇禎十三年庚辰進

士，行取監察御史，巡按浙東。福王擢都察院右都御史，負

氣敢言，內監不遵朝班，立疏糾之。宦侍屏息。按時勢條陳

屯田保甲洞見源委，疏薦夏允彝、陳子龍及原任吏部尚

書徐石麟、詹事徐汧、春坊沈延嘉、郎中葉廷秀科臣熊開

元袁彭年知縣林之蕃等皆具忠君愛國之誠並乞召用
選郎劉應賓蹟貨鬻爵特疏劾請論賊正罪以賄遷官如
憲長王夢錫敬輩皆指叅不愜一時風采凜然丙戌以後

歸隱廈門尋渡臺灣

同安縣
藝文志

紀文疇字南書一字元昉同安後廩人年少爲諸生有上
下千古之意議論識力不隨人俯仰輒爲人所構毀興泉
道王猷館之署焚香讀易口不恩官府閉晚衙與之商天
下事所交遊皆一時俊傑後師黃忠端道周與子許國從
之鄴山所著史勺三卷忠端爲之序潮州唐時序其詩後
忠端薦其博學多才唐王徵詣行在授中書舍人後以陳

燕翼薦擢翰林院待詔纂聖安

宏光廟號

實錄所疏陳皆謬譎

切時艱以母老假歸未幾而閩潰陰集里中壯士謀舉義
丁亥挈家渡海居鷺島與鄭成功復同安城破以勞瘁死
初家居湄龍所遺詩文集卽以湄龍名華亭徐孚遠爲之
序以黃紀比歐蘇以許國兄弟比之文忠文定當時稱爲

不愧云

摘林霍續閩書及
湄龍堂集各序

黃石齋史勺叙紀南書負才甚高出語妙天下其所著
史勺論核古昔上下三千年疑難正反盡之矣古今論
史之言幾數百家其最著者柳子厚呂東萊蘇子瞻胡
明仲子厚肆而曲東萊腴而膚子瞻疎而直明仲詳而
碎南書所作猶是四家而辯博醇雅不爲詭激之論觀
其所論並江都王茂宏溫太真冠平仲諸賢各有意于
正直忠厚之裁也其所由來去世之持鋒劍騁驟縱橫
者遠矣老泉喜權變習短長之言卒爲和仲厲箕如南

書所云與石青并
樹龍門無疑也

徐闢公序自隋唐以前用人無方是以安石盤桓便有
公輔之望在駟未任人主已嘆其文才時之所推卽見
拔擢無出身之限也其時大臣薦士咸致通顯自非子
桑之於孟明鄒侯之於淮陰灼然若效亦未有稱焉後
代旣設科目士苟不出於其間卽軼才通識無由自致
天階而後歐陽公薦蘇明允近日石齋黃先生薦南書
紀公以爲千古僅事然宋時士猶有從他途進者筮仕
以後以特恩奏名亦間有之我明自數十年以來資格
逾峻雖以烈皇帝發憤屢厘明詔廣開用人之途顧當
事守常格牢甚卒無以殊才稱上意者然則紀公之得
比於黃先生方之明允不更偉與抑前代館閣次第遷
降遞出遞入我明館職之選皆定於筮仕之時雖北地
信陽濟南瑯琊諸公著述煒煌鼓吹昭代可謂盛矣而
終不得厠身金馬之署識者不無遺恨今紀公雖晚遇
乎然召對宣室濡筆玉墀覽其文而嗟漢之遂擢在內
翰撰次實錄記法起居成一代之史諸公之所不得而
紀公顧得之其於遇不遇何如也卽明允僅與脩禮書
書成得沾一命其見知於人主未可與紀公同日語矣

余又親明允所撰秘書及論御將之法蓋亦有志功名者卒未得施用紀公痛邦家之珍瘁憤桑梓之淪胥併舍義勇獨克岩城其所布置有大過人者而天不假年費志以沒使果竟公之設施閭事亦未可知也然則公豈僅以文章自命者哉而黃先生又豈僅以文士待公者哉黃先生既殉節於前而紀公復盡瘁於後黃先生之能知人紀公之不負所舉相得益彰於歐公之薦明允並稱千古有以也以明允之爲父有文忠兄弟爲之子故明允之名益顯今紀公之子石青文章義節表表自立度其所至將不殊文忠而其次諸子森森各有頭角安知無有文定者繼其後乎紀氏之媿美蘇氏曰可侯也余少也杜門寡游雖私淑黃先生久未得至於其門乙酉入閩道信州始克晉謁先生先生一見如舊識又爲疏薦於朝今黃先生與紀公皆古人矣躡躡僞寓與石青往還島上如兄弟故於紀公集成爲聚其大都又於黃先生議山陽之勝也

紀許國字石青文疇長子也年十六爲諸生從父講學鄴山弟子二百餘人許國最少黃忠端許以掉臂獨行又贈

之詩曰。蒼芒千古留石青。不與世界爭零星。著有丁史焦
書數卷。崇禎十五年壬午舉於鄉。爲臨川揭重熙所取士。
與同榜莆田林說。林尊寶。有三異人目。著有同岑草一帙。
明年計偕北上。以所著書投官允馬世奇。大奇之。北都變。
有望燕吟一卷。後從其父舉義。避地鷺島。四明沈宸荃薦
於魯監國。授禮科給事中。不就職。廣平路振飛薦於永明
王。以道阻不果行。留滯島上。鄭成功欲致之幕府。竟不能
成。所居曰吳庄。閉門著述。與流寓諸公相交善。客至。出脫
粟飯烹薯芋。相對款款。每歲孟冬既望之二日。具巾袍入
普陀寺。南望遙拜。淒絕而返。或登山眺海。四顧潛然。忠憤

憂愁之意一寓於詩文而流寓諸賢之志跡皆藉許國以
不泯也居十五年而卒年四十有一所遺吾浩堂詩文集

皆同里林霍爲之序

縣志續聞書
異人集合纂

紀保國字安卿文疇季子幼隨父兄浮家鷺島及長日取
父兄所著遺書閉戶編輯落髮披緇攜一瓢出遊五岳林
省爲序以送其行並序其詩詩尤清雋絕俗飄飄如其人

續聞
書

林霄序陟華登岱而意見乃別余有志遐覽久矣願學
業荒陋不足論交海內岩穴之士兼困貧久山裝莫具
攜袂無從卽丹霞名勝有黃公之講壇在焉企其人讀
其書淑其教而不得一憑弔其處况武彛霍董天台鷹
蕩與大吳蜀周秦之墟耶吾友紀子安卿與余同志每
以是爲嘆嘗慨然欲投跡空門以一瓢遊五岳余心奇

之而難其事蓋君年少名家子也當太史公揚旌梓里
齋志以沒君猶在懷間及從儀部公通覽洲上當余庚
寅歲與公論業倡酬君猶未知學距今會幾何年而儀
部公亦逝矣君欲以師伯氏者轉而師余余愧君之知
竊喜太史公之有後淵源有自信不誣也余所以難耶
者以太夫人在上耳且有結隨之歌能不眷然於懷耶
君曰吾上有諸兄高堂菽水不憂待奉吾之托空門亦
猶徒步千里櫛風沐雨以尋師也與竺僧度鄭雲叟之
事異嗟乎君一年少耳而所有已如是自滄桑以來山
川朋友不復一致有能砥行於閭巷難矣而況欲絕跡
飛鸞於風塵外乎余於是益嘆安鄉爲嘔士也然予嘗
聞世外高人卽松扉岩徑中亦寥寥不易得君其慎所
投哉若太史公及伯氏交滿天下有真聲
氣者安卿其訪之余亦將躡屩以從君後

莊潛字伏之同安人執經紀待詔之門與紀許國林霍善
相與扁舟攜詩登虎巖入吳庄從容放歌月下若大白孤
憤難釋者前進士沈佺期稱之意欲纂述舊聞爲一書以

耳目親記不及遍覽中州事跡偶得明季遺聞數卷遂披

羅宏光逸事參酌編纂繼以詩歌各爲石函錄紀許國爲

之序

異人集石函尺牘合參

紀許國石函錄序莊子伏之自慕其詩一賦題曰石函
錄錄中有弔黃文明陳臥子夏彝仲林子野林燕公傅
公熊閣部錢希聲曾峽江揭臨川及袁同安袁雲中秋
成諸什皆悲憤抒情淋漓翰墨余讀而有感未嘗不爲
之流涕也嗟乎國事之壞有由來矣當熹廟間逆潮擅
柄彘堂凌熾世之忠臣正士諱斥殆盡崇禎之時君子
小人進退數驟及乎末年權貴人狼狽邪慝視公家事
如傳舍所爲兵馬糧精山川險塞生民阡危休戚之故
毫不可存於胸中卽有一二正守之人亦多厄於掣肘孤
立或膠於故常而不知權故國政口亂國勢大削蓋小
人之害極矣神京告潰先帝血濺薄海內外無不痛心
南渡之後覆轍相尋以江南半壁之天下而不能數載
之撐支誰秉國均使神州至此甚可痛哉於是抱諸忠
臣或瀆淚登州或仗劍赴難或立勳於疆土或建熾罔

功或功垂就而遽敗一而錄之以此若錄中所稱殉難諸公皆卓然表著者也脫嘗北都時紳笏中有能整齊網紀鞏固國脉卽可以無南渡卽南渡時能以中興大事託付公忠膽畧不二心之臣廣收後傑共圖天室則彼灼灼諸公且無樂以節見而莊子亦何流連慨恨於芳躅之下直欲起其人而若與之共會於一堂哉余以是讀莊子之詩而重悲世道之不幸也莊子懷采贈答諸篇皆堅光峭樸與元柳上下余不具志特因其所感而爲之序云

林霍字子茂號滄湄同安欖里人博洽能文究心等韻之學問詩於盧若騰徐孚遠姚翼明亦推爲秀出紀許國序其所著詩謂如空山發翠馨香不絕別留神韻於筆墨之外自丙戌秋掃門簡跡往來虎谿鶴嶺間與許國稱莫逆交欲師事之許國曰某不敢擁皋比但得如黃魯直之於

子瞻少游足矣。其雅重如此。稱遺民終身。著有雙聲譜。

亭詩草滄湄文集滄湄詩話荷樓詩選續閩書縣志紀氏

黃事忠字臣以失其籍貫官兵部職方初崎嶇閩粵以起

義兵母妻被殺避居廈門戊戌冬同御史徐字遠都督張

自新奉使赴滇失道安南與國王爭禮後西旋紀許國序

送之交行摘錦泰
石青遺稿

陸昆亨失其里居官錦衣衛丙戌從唐王西走及唐王遇

難昆亨脫奔鷺島爲僧年八十有奇東平
紀畧

陳駿音籍貫闕師事黃道周唐王授中書舍人吏部都事

道周師次明堂里自村必敗盡出所著書昇駿音聞道持

付其家。辛卯。謀梓於姑蘇。夜宿杭州江干。隣舍失火。倉卒間。與行橐俱爲灰燼。自恨爲先生罪人。或語及輒哭。後與同門諸子搜羅刻焉。丙辰。依棲鷺門。嗣居粵之韓江。年八

十有奇。

東平紀畧

按石齋全集俱存。所載未確。然安知所焚。僅謀刻者一二種。抑由後搜羅而得耶。或尚有別本。而失所付之真本耶。姑錄之。以存疑。

劉子葵。失名。惠安起義師。子葵襄其事。官索之急。拘繫其家。削髮爲僧。攜一瓢一褐。入鷺島。將遊端州。紀許國爲文送其行。永明王擢爲龍川令。甫匝月。黃應傑據惠叛。子葵

碎碑扼關。不得北向。惠屬諸邑。賴其力以全。居一歲。有驕將某者。以撫軍之令屯龍川。稍侵擾百姓。子葵裁以義某怒。讒於撫軍。子葵慨然曰。吾爲國耳。豈戀一官哉。卽日解組去。未幾而龍川潰。惠屬皆陷。先是子葵已薦授兵部職方。至是與王簡伯遷居湖之深山。久之。又披緇至鷺島。將附舟緣瓊海以達粵西。許國復爲文送之。王簡伯失名。撫州人。父孝廉翊東。母孫氏。己酉。撫州被兵。奉母避難瀘溪。復走曹村。母死於難。間關渡海至粵東。劉子葵之樹幟龍川也。簡伯時爲兵部職方。奉命過其邑。河源之役。實監其軍。師潰。抽刀自刎。幾死。後與子葵避居湖之山中。復同至

鷺門。與紀許國定交。尋復南行。許國亦爲文送之。及抵瓊州。桂林梗阻。引還。途遇寇死。吳亦菴梓其遺詩。許國爲之序。

石青遺藁

齊价人。籍貫闕。明季避地海島。往來浯洲嘉禾間。時沈光文自潮州航海至浯。价人旋嘉禾。不及言別。以詩寄謝。光文遙和之云。忽帶青雲去。惟將逸韻留。剡舟知待雪。陶逕已辭秋。風足高山木。光原燦斗牛。瑤華承寄問。多病獲新

瘳。採臺灣藝文志

洪七峯。明季浮家海島。後東渡。與沈光文相依者廿六載。故光文贈別詩有鷺島初來便識君。東山又共學耕雲之

句採臺灣
藝文志

駱亦至。

亦至
係字

失其籍貫。居半山寺。著有島史。

異人
集

吳亦菴。

亦菴
係號

江右人。官樞曹。寓居醉仙巖。

異人
集

劉玉龍。經濟籍貫事跡皆無考。

東平
紀畧

國朝

鄭魁萬。字廷才。晉江人。康熙初。寓廈業醫。父葬郡之賜恩

巖。廬墓三年。遇虎不懼。當道旌其孝。卒葬虎頭山側。

鷺江
志

潘兆吾。字荆山。浙江舉人。沈靜有謀。入總督滿保幕府。會

臺灣朱一貴作亂。從來廈門調兵安民部署。出其計畫。承

平久。兵皆不諳操舵。心憂之。兆吾請下令曰。賈舶有願載

兵者與五品官。有一賈首先應召。卽以守備蟒服衣之。繼者分給牌劄。爭相掉船銜尾渡載。事平。欲奏薦。兆吾辭不

受。

節袁子才文集

黃夢琳。字球卿。號雪舟。晉江諸生。侍郎徽孳孫。性情介。能詩。乾隆間。遊擊藍元枚延居幕中。五年。繼遷浯江。復從之遊。東牘餘閒。或躡雙屐。或掉孤舟。來往兩島間。興酣落筆。意致殊豪。島中莫鳳翔輩多從之。問詩。居數年。卒於浯。若

有兩島怡情集。

採怡情集序

黃慎。汀州人。號瘦瓢子。善繪事。人物花鳥。信手塗抹。自得天趣。稱逸品。名重金陵。至今得其真蹟。寶如拱璧。書詩俱

清逸。曾遊鷺島。欲渡臺不果。有丈夫有志金臺杏。壯士空
餘鐵骨寒。老我儒冠催鬢短。憑君簪筆重毫端。之句題寺
壁。廈門畫家多宗之。

趙翼。字雲松。武進人。工詩。著有甌北集。乾隆二十六年辛
巳進士第三名。緬甸之役。參畫軍事。擢守廣州。陞貴西道。
罷歸。臺灣林爽文作亂。制府李侍堯延入幕府。居廈島之
涵園。再徙玉屏書院。幾一年。暇時躡屐山巖間。流連觴咏。

賦詩而歸。

甌北集武功
紀盛序合參

郭邁。號拱山。黃濤。號文川。皆邑人。並乾隆初進士。授知縣。
先後主講玉屏書院。日擁臯比。進諸生講解經說。嚴密課

程履人士言師範者歸焉。漳浦編脩藍應元。福清進士郭

龍光。莆田郭尚先亦來主講。俱以善教稱。

林焜
贊采

黃暹。號春渠。浙江仁和人。嘉慶六年辛酉進士。選平和縣

知縣。歷任龍溪。詔安。長泰。南靖。有惠政。以虧短鹽課解任。

蕭然不能歸。僑寓鷺門榕林別墅。與廵道倪琇爲同年生。

詩酒唱和。暇則臨池。日作小楷二千餘字。倪琇常爲之跋。

流寓三年卒。倪琇經紀其喪以歸。

凌翰
采

黃彬。字蓮士。晉江人。寓厦賣書。篤志力學。不務外飾。處世

接物。一本於真。而內嚴外寬。胸中涇渭甚明。臧否不形於

口。人以其坦易無賢愚。皆樂親之。與張錫麟。薛起鳳。林明

堤莫鳳翔。張承祿二火名。結雲洲詩社。號雲洲八子。所著有

草庵文集二卷。草庵詩集四卷。看山樓唱和詩一卷。黃日紀詩

集彙

吟

黃秉元。字調叔。號春潭。龍溪諸生。提督仕簡仲子。幼而警敏。讀書日可寸許。過目不遺一字。詩文揮毫立就。而措詞穩稱。如經錘鍊。小札尤楚楚有致。書法遒勁。饒有斌媚。其夙慧然也。時與雲洲詩社。所著詩文。號春潭集。同上

列傳九 方技

國朝

林仁。嘉禾里湖邊人。徙居城北之岡頭鄉。素好琴。得莊蝶

庵指法。節奏古雅。爲人清介。雖貧。不干於世。提督施世驥。建節廈門。延教其子。

莊漁。字友樵。寓居廈門。初習醫。後學山水翎毛。畫俱入妙。人以沈石田目之。性傲兀。曾有持三百餘金求畫者。漁勿受。亦勿畫。邑宰周世培代爲乞之。其人始得十二幅而去。晚年寓萬石巖。與山僧嘯咏。有隱士風。並縣志

林元俊。字份生。本廈門人。徙居臺灣。善奕。精醫。稱海外國手。時揮毫作竹石及草書。縱橫如意。瘦硬入古。通志

吳福。蒼巷人。善奕。與泉之蔡聯卿並稱國手。

楊金鱗。字子石。長泰諸生。任廈局內。善作文。與蔡葛山印。

湖爲同社友。鑿通畫尤精於奕。

林賢烈與人任屐。幼穎異。十餘歲精於奕。與楊金麟稱敵手。

陳基賢字竹友善。大小書筆法堅凝。一時獨擅。亦廈門人。黃日輝。邑諸生。作文音奧。善小楷。

陳昂泰字青夫。坂上人。邑諸生。書法蒼勁。類顏柳。玉屏石碑。是其遺蹟。

羅經字爾宜。西門外人。邑諸生。善作文。兼工書畫。酷肖趙松雪。

康鳳聲。漳浦人。移住廈門。善草書。筆勢飛舞。頗涉嫵媚。

黃國楮。隰韜子。候選詹事府主簿。龍溪籍。任廈門張厝保。幼穎異。能文善畫。書學米南宮。

施清。字宜從。能詩善畫山水。王文明筆甚蒼老。畫海族酷肖。俱廈門人。

黃樹德。字小脩。工草書。尤精水墨。涉筆有致。

曾坦。字恢伯。守備志忠胞兄也。善畫山水。子朝英。乾隆四十四年己亥舉人。有文名。工書畫。兼精篆刻。

蔣國梁。字禎士。溪仔墘人。性耿介。胸懷灑落。事母得其歡心。能詩善畫。筆意倣文衡山。倪雲林諸家。年九十餘。

蔡催慶。號壺蘭道人。性豪放。工於畫。好作潑墨。興之所到。

自然入妙。

王維宇，外清人，幼穎異，讀書過目成誦。書畫不論古今墨跡一見便能摹倣。以上贊江志

吳麟，字仁卿，號梓苑，連西保人。縣諸生。工行楷，以古爲師。自閣帖至宋元大家，無不臨摹逼肖。年八十餘，猶日執筆。林漢峯，字湘青，海澄諸生。居廩。工小楷。

周錦園，字振玉，邑諸生。書法規撫松雪。

徐宏音，字次微，龍溪諸生。居鷺門。十歲能文。工真草書。

黃鳴圖，字友梧，龍溪諸生。居廈門。精篆刻。晉安鄭汝霖，鐵侯嘗叙其印譜。弟朝正，善丹青。

林墨香。關仔內人。工刻石。運刀如筆。有清愛堂鍾鼎款識。四十九石山房初二刻行世。

陳治燦。字奎學。能篆書。

王慶。首江人。寓廈門。畫人物有古致。生不甚見重。沒後人爭寶之。

范雲。字琴軒。畫人物不起稿。染色多在夜間。雖不合古法。生面獨開。形容酷肖。

林遠。善畫人物。在蔣國梁右。人知之者甚少。

陳斯泰。字元陽。善指墨。畫虎尤擅長。

以上凌翰采

蘇鳴夏。字荔村。例貢生。其先海澄人。嗣明良。提督。父光燾。

杭州牧鳴夏始家廈門善畫墨蘭喜吟咏有鐘聲隨月出

花氣拂簾來之句人誦之以子廷玉官封武德騎尉

孫雲
鳴采

詩崙字伯瑀號珊瑚崖渙水人性儻不羈工指墨客遊姑

蘇粵東而畫益進仙佛花卉翎毛俱饒古致尤長於巨幅

同知張拱斗嘗索畫爲作一琴一鶴圖欲邀見之以拙辭

張嘆曰觀其畫可想見其古貌古心也卒年七十九

節家
傳英

若升
撰

列傳十 方外

宋

文翠居嘉禾巖募建普照寺刷勝翔贈以詩曰濤翻波瀾

繞危峯無盡巖前世界空不是灰心求佛者片時難任寂

寥中

府志

明

覺光重建普照寺

大同賦註

明光姓王號上中少業儒善事母後為僧開元寺湧幢巷勤於叅究為詩清靈幽靜尤工草書時有同寺僧如壽精於楷書與光齊各人稱明光草如壽真明光晚年與阮文錫唱和文錫選其詩三百餘篇名為偶然草縉紳蘇堽陳鎮峯序而刊之如壽姓傅字濟彘亦能詩俱嘗居厦門

府志

鳳江志

合泰

雪芝工草書善畫蘭後入武彝山

鷺江志

明任姓楊字愧斯善行草大字工詩初任安溪後居廈門

半山堂

鷺江志

國朝

胡文遠潮州人任南門橋亭不度弟子預知歿期與相識者別至期自披袈裟坐化遠近咸觀之

鷺江志

知堅任太平巖預知死期置酒別所知交共七人命寺僧設八人坐次其弟子曰何用過參堅曰卽有至者方欲就席果後有一人至酒數行起曰予欲拜佛西歸矣人皆笑之有尾其後者見其甫及禪牀已闌寂衆始信之

鷺江志

元飛字石龍晉江童氏子幼不茹葷十四遊資福寺戀不欲歸遂禮本寺不動和尚爲師經究過日成誦尋到黃葉山就渾古和尚受戒聞那城崇福寺哲老和尚道學深邃遂師事之一日聞霹靂聲信口誦云個事不從字與文一歸何處說紛紛而今劈破虛空後卸却肩挑二百觔哲老竒之授拂焉康熙四十年威畧將軍吳英迎住廈門虎溪巖時巖中僅敞屋三間元飛募建大雄殿方丈寮房僧舍凡幾所旣而垂雲樓大悲殿一嘯亭伏虎洞不三十年次第成巨觀山下暴樞纍纍元飛勸葬於其子孫而代葬其無王者復建報恩室於南偏迎母就養奉父王祀焉母沒

與父合葬於寺側提督藍廷珍海防同知陸箕永延就本山達道場紳士李光燠楊廷勳等請開堂說法後龍巖州張守延至東寶山石雲寺開戒晚益閉關精進偶有吟咏皆露禪機當事紳士時與和偈乾隆七年圓寂年七十一

是爲虎溪巖開山祖云

府志

通庸字達中自號不偏老衲晉江楊氏子年四十踏蹬場屋削髮虎溪巖復住持泉之龜湖菴卓錫天界寺戒行脩謹坐臥一斗室鍵戶參究亦時有吟詠客至相與酬唱著有刻玉集年八十五入寂